

四庫全書

集部

欽定四庫全書

集部

施註蘇詩卷

二十九
三十

詳校官庶吉士臣李傳熊

檢討臣何思鈞覆勘

覆校官中書臣宋 鎔

校對官中書臣王鍾泰

謄錄舉人臣劉 禮

謄錄舉人臣邵 颿

欽定四庫全書

施註蘇詩卷二十九

宋蘇軾撰

施元之原註

武進邵長蘅刪補

詩五十八首

時守杭

州作

次韻林子中蒜山亭見寄

林子中名希闕人東坡起遷客朝廷

以人望欲驟用之議除起居舍人公詣宰相蔡持正力辭持正曰今日誰當在公先者公曰昔林希同在館中年且長持正曰希固當先公耶卒不許紹聖初進實文閣直學士知成都府哲宗親政章子厚方治元祐諸臣欲使子中與書命而疑於左遷使問之欣然留行復為中書舍人自司馬溫公東坡等數十人皆使為謫詞極其醜詆遂累遷至同知樞密院後朝廷理其詞命醜正之罪奪職為舒州建中靖國元年東坡自海南歸至儀真與子由書云林子中病傷寒十餘日便卒所獲幾何遺臭無窮哀哉

哀哉

奇逸多聞老敬通何人慷慨解憐翁十年簿領催衰白

一笑江山發醉紅聞道賦詩臨北固未應舉扇向西風
叩頭莫喚無家客歸掃岷峨一畝宮

後漢馮衍傳衍字敬通幼有奇才博通羣書數遭讒毀
遂埶墮於時舉扇用庾元規事屢見無家客公有與金
山元長老詩云蒜山幸有閑田地招此無家一房客

再和并答楊次公

楊次公事見二十三卷送楊
傑詩注此卷倡醕凡五詩次

公時提點
兩浙刑獄

毗盧海上妙高峰二老遙知說此翁聊復艤舟尋紫翠
不妨持節散陳紅高懷邵有雲門興好句真傳雪竇風

唱我三人無譜曲馮夷亦合舞幽宮

華嚴經毗盧遮那十身巢海又文殊師利告善財童子言南方有一國土名為勝樂其國有山名曰妙高峰漢食貨志太倉之粟陳陳相因賈捐之傳孝武元狩六年太倉之粟紅腐而不可食持節用汲黯事雲門雪竇皆禪宗也次公有雪竇語錄序司馬相如大人賦使靈媧鼓琴而舞馮夷

次韻劉景文送錢蒙仲三首

錢蒙仲乃穆父內翰之子穆父守越

遣蒙仲從東坡學穆父九男子東坡每戲穆父為九子母丈夫故云送盡青雲九子子由

堦王子立新逝故云王郎獨為鬼錄

誰識天閑老驥不爭日暮長途送盡青雲九子歸去扁

舟五湖

南史何承天傳除著作佐郎承天年已老而諸佐郎竝
名家年少荀伯子嘲之常呼為妳母承天曰卿當云鳳
皇將九子妳
母何言耶

寄語竹林社友同書桂籍天倫王郎獨為鬼錄世間無
此玉人

五字古原春草千金漢殿長門經緯尚餘三策典刑留
與諸孫

撫言白居易應舉初至京以詩謁顧況況戲之曰長安
物貴居大不易及讀原上草詩云野火燒不盡春風吹

又生乃嗟賞曰有句如此居天下有甚難樂天集此詩
題云古原草司馬長卿長門賦序孝武陳皇后得幸頗
如別在長門宮愁悶悲思聞相如天下工為文奉金百
斤為相如文君取酒因于解悲愁之詞而相如為文以
寤主上后
復得幸

菩提寺南漪堂杜鵑花

南漪杜鵑天下無披香殿上紅氍毹鶴林兵火真一夢
不歸閬苑歸西湖

三輔黃圖武帝建溫室殿規地以蜀賓氍毹白樂天紅
線毯歌揀絨練線紅藍染織作披香殿上毯續仙傳鶴
林寺杜鵑花盛為三春游觀之最時將重九周寶謂殷
七七曰能令此花開否七七乃宿其下次日花發此花

平日開時常見三紅裳女子護之及是忽女子來語七
七日花在人間已百年非久邵歸閨苑今與道者開之
數日花俄不見亦無花落之迹其後兵火焚寺樹失
根株信歸閨苑矣事互見卷五後十餘日復至詩注

題楊次公春蘭

春蘭如美人不採羞自獻時聞風露香蓬艾深不見丹

青寫真色欲補離騷傳對之如靈均冠佩不敢燕

漢淮南王傳武帝使為離騷傳旦受詔食時上楚辭離
騷名余曰正則兮字余曰靈均漢汲黯傳丞相晏見或
時不冠至如見
黯不冠不見也

題次公蕙

蕙本蘭之族依然臭味同曾為水仙佩相識楚辭中幻
色雖非實真香亦竟空云何起微馥鼻觀已先通

王子年拾遺記楚人思慕屈平謂之水仙楚辭離騷雜
申椒與菌桂兮豈維紉夫蕙茝楞嚴經觀世音菩薩由
聞思修入三摩地疏云聞思修
為三觀惟觀世音三觀俱全

次韻曹輔寄壑源試焙新芽

曹輔字子方時為
福建路轉運使

仙山靈草

一作
雨

濕行雲洗遍香肌粉未勻明月來投玉

川子清風吹破武林春要知玉

一作
冰

雪心腸好不是膏

油首面新戲作小詩君勿

一作

笑從來佳茗似佳人

韓退之李花詩日光赤色照來好明月暫入都交加夜
領張徹投盧仝乘雲共至玉皇家南史齊帝賜公主首
面三十人茶品要錄沙溪之園民或雜以
松黃飾其首面試時雖鮮白而不能久

次韻袁公濟謝芎椒

燥吻時時著酒濡要令卧疾致文殊河魚潰腹空號楚

汗水流骹始信吳

公自注吳真君服椒法
云半年脚心汗如水

自笑方求三

歲艾不如長作獨眠夫羨君清瘦真仙骨更助飄飄鶴

背軀

陸士衡文賦始躑躅於燥吻終流離於濡翰維摩經文
殊奉佛旨詣維摩詰問疾諸菩薩大弟子咸作是念今

二大士文殊師利維摩詰共談必說妙法左傳宣十二年申叔展曰有麥麴乎曰無有山鞠窮乎曰無河魚腹疾奈何再見潘安仁射雉賦注云骹脰也一曰吳人呼腳為骹

次韻楊次公惠徑山龍井水

公自注龍井水洗病眼有效

漏盡雞號厭夜行年來小器溢鉗罌棄官縱未歸東海
罷郡猶堪作水衡幻色將空眼先暗勝遊無礙腳殊輕
空煩遠致龍淵水寧復臨池似伯英

三國魏田豫傳年過七十而居位譬猶鐘鳴漏盡而夜
行不休是罪人也史記歷書冬分時雞三號卒明韓石
鼎聯句方當紅爐然益見小器盈漢疏廣傳東海蘭陵
人也與兄子受俱乞骸骨歸老故鄉已見水衡用漢龔

遂事
屢見

次韻劉景文登介亭

澤國梅雨餘衰年困蒸溽高堂磨新塼頗覺利腰足松
根百尺井兩綆飛淨淥流觴聚兒童一笑為捧腹清風
信可御剛氣在巖麓始知共此世物外無三伏長歌入
雲去不待絃管逐西湖真西子煙樹點睂目濤江少醞
藉高浪翻飛屋俛仰拊四海百世飛鳥速速追錢氏餘
近弔祖侯躅吾生如寄耳寸晷輕尺玉誰似劉將軍逸

韻謝邊幅千言一揮手五車不再讀春品彩雞舞月峽
哀猿哭朝先鵲鳩起暮與寒蜚續我老廢吟哦賴君時
擊觸從今事遠覽發軔此幽谷清游得三昧至樂謝五
欲莫作狂道士氣壓劉師服

唐塋字出傳燈錄史記曰者傳司馬季主捧腹大笑莊
子在宥篇俯仰之間而拊四海之外祖侯謂祖無擇淮
南子聖人重分寸之陰而輕尺璧後漢馬援傳見公孫
述曰天下雌雄未定不吐哺走迎國士反修飾邊幅此
子何足久稽天下士南史任昉傳為新安太守在郡不
事邊幅莊子惠子多方其書五車韓愈詩為人強記覽
過眼不再讀北史邢邵傳廣尋經史五行俱下一覽便
無所遺唐蕭穎士傳與李華陸據游龍門讀道傍碑頽

士即誦華再據三乃能盡記聞者謂三人才高下此其
分也異苑山雞愛其毛映水則舞宜都山川記峽中猿
鳴至清行者歌之曰巴東三峽猿鳴悲猿鳴三聲淚沾
衣謝惠連搗衣詩烈烈寒螿號此二句謂景文篤學苦
吟也史記封禪書上使樂大驗小方閭基自相觸擊楚
辭離騷朝發軔於蒼梧兮夕余至於懸圃內典梵語三
昧此云正受法華經有五欲曰淫慾曰睡眠曰飲食曰
自恣曰貪欲又維摩詰云汝等已發道意有法樂可以
自娛不應復樂五欲狂道士軒轅彌明也與劉師服進
士相識劉與侯喜聯石鼎句彌明應之如響事詳韓退
之石鼎聯句序屢見

袁公濟和復次韻答之

袁公濟
名轍

昏昏墮醉夢奈此六月潺湲君詩如清風吹我朝睡足登

臨得佳句江白照湖淥袖手獨不言默藁已在腹是時
風雨過藹藹雲歸麓疎星帶微月金火爭見伏惜哉此
清景變滅不可逐歸來讀君詩耿耿猶在目卻思少年
日聲價爭場屋文如翻水成賦作叉手速秋風起鴻鴈
我亦繼華躅那知君蹭蹬獨泣荆山玉相見南新道青
衫垂破幅蚤知事大繆恨不十年讀莫嫌馮唐老終勝
賈誼哭今年復為僚舊好許重續升沈何足道等是蠻
與觸共為湖山主出入窮澗谷衆馳君不爭人棄我所

欲何時神武門相約挂冠服

禮記季夏之月土潤溽暑詩大雅吉甫作頌穆如清風
唐王勃傳屬文初不精思先磨墨數升則酣飲引被覆
面及寤援筆成篇不易一字時人謂勃為腹豪歷忌釋
伏者何也金氣伏藏之日也四時代謝皆以相生立夏
火代木木生火立秋金代火金畏於火故至庚日必伏
顏師古曰陰氣將起迫于殘陽而未得升故為藏伏太
平廣記唐溫庭筠才思艷麗工於小賦每入試押官韻
作賦凡八叉手而八韻成繼華躅素轂試館職首薦東
坡亦第七人漢司馬遷傳務一心營職以求親媚於主
上而事乃有大繆不然者漢馮唐傳文帝問曰父老何
自為郎賈誼傳上疏陳政事曰有可為痛哭者一流涕
者二長太息者六左傳桓二年公及戎盟于唐修舊好
也莊子則陽篇戴晉人曰有國於蝸之左角曰觸氏有
國於蝸之右角曰蠻氏時相與爭地而戰伏尸逐北旬

有五
日而
後反
云云

介亭餞楊傑次公

籃輿西出登山門嘉與我友尋仙村丹青明滅風篁嶺

環珮空響桃花源

公自注郡人謂介亭山下為桃源路

前朝欲上已蠟屐

黑雲白雨如傾盆今晨積霧卷千里豈畏觸熱生病根

在家頭陀無為子久與青山為第昆孤峰盡處亦何有

西湖鏡天江抹坤臨高揮手謝好住清風萬壑傳其言

風回響答君聽取我亦到處隨君軒

杜子美貽柳少府詩自非曉相訪觸熱生病根傳燈錄
會通禪師休官出家鳥窠禪師云汝當為在家菩薩戒
施俱修如謝靈運之儔也次公號無為子杜牧之詩大
江吞天去一練橫坤抹傳奇封陟傳仙姝謂陟曰好住
好住無異日追悔六祖壇經
和尚報言好住今共汝別

次京師韻送表弟程懿叔赴夔州運判

程懿叔名之邵

行七二十七卷有送表弟程七知泗州詩先生元祐五年六月三日手書此詩并自跋云
時德孺在嶺外適有使至杭當錄本示之德孺書中自言學佛有所悟入寄偈頌十數篇
來故有新得道之語德孺名之元懿叔兄也詩跋刻石成都府治

與子甥舅氏推顏各蒼顏竝為東諸侯長此佳江山寒

松無時花安得插髻鬢惟將老不死一笑榮枯間我甚
似樂天但無素與蠻挂冠及耄當獲一紀閑子亦拙
進取才高命堅頑譬如萬斛舟行此九折灣仲氏新得
道一漚目塵寰歲晚家鄉路莫遣生榛菅

左傳成十六年郤犇將新軍且為公族大夫以主東諸
侯古詩話樂天二妓樊素善歌小蠻善舞嘗為詩曰櫻
桃樊素口楊柳小蠻腰國語狐偃語晉文公曰蓄力
一紀可以達矣韋昭注曰十二年歲星一周為一紀

葉教授和溈字韻詩復次韻為戲記龍井之游
先生魯諸儒飲食清不溈空腸出秀句吟嚼五味足華

堂開絲管眸子漲春淥先生疾走避面冷毒在腹歸來
煮瓠葉弟子歌旱麓聲淫及靈臺中有麀鹿伏功名一
走兔何用千人逐故應容我輩清坐時閉目高亭石排
衙木杪挂飛屋我來無時節客亦不待速似聞雪髯叟
西嶺訪遺躅朝陽入潭洞金碧涵水玉泉扉夜不扃雲
袂本無幅慈皇付寶偈神侶得幽讀訥菴有老人宴坐
天魔哭時來獻瓔珞法供燈相續吾儕詩酒汙欲徃無
乃觸齋厨費晨炊車騎滿山谷願聞第一義鉢飯非所

欲便投切雲冠予幼好奇服

漢叔孫通傳說上曰儒者難與進取可與守成願徵魯諸生與臣弟子共起朝儀禮記儒行其居處不淫其飲食不滌佛書耽著五味禪詩小雅瓠葉大夫刺幽王也大雅旱麓受祉也靈臺民始附也禮記聲淫反商說苑一兔走於街萬人追之一人得之萬人不復走白樂天懷微之詩不知雨雪江陵府今日排衙得也無按介亭有石如劍戟對峙謂之排衙石訥菴謂辯才法師觀音經天魔外道恐怖毛豎普門品經無盡意菩薩解頸眾寶珠瓔珞價直百千兩金而以與之作是言仁者受此法施珍寶瓔珞華嚴經諸供養中法供養最傳燈錄達磨西來梁武帝問如何是聖諦第一義答云廓然無聖杜子美詩願聞第一義回向心地初楚辭九章余幼好此奇服今年既老而不衰帶長

缺之陸離兮冠切雲之崔嵬

次韻林子中見寄

飄零洛社數遺民詩酒當年困惡賓
元亮本無適俗韻
孝章要是有名人
蒜山小隱雖為客
江水西來亦帶岷
卷卻西湖千頃葑
笑看魚尾更莘莘

西京雜記公孫弘曰寧逢惡賓莫逢故人再見陶潛歸
田園居詩少無適俗韻性本愛丘山會稽典錄盛憲字
孝章素有高名孫策深忌之孔融憂其不免禍乃與曹
公書勸招致之曰孝章要為有天下大名九牧之人所
共稱歎蒜山為客已見蒜山卜居詩註千頃葑公開西
湖以葑積為堤以通南北今蘇公堤是也詩小雅魚在
藻有莘其尾

安州老人食蜜歌

公自注贈僧仲殊按僧仲殊安州人居錢塘為詩敏捷立

成而工妙絕人遠甚殊辟穀常啖蜜陸務觀云族伯父彥遠言少時識仲殊長老東坡為作安州老人食蜜歌者一日與數客過之所食皆蜜也豆腐麵筋牛乳之類皆漬蜜食之客多不能下筋惟東坡性亦酷嗜蜜能與之共飽崇寧中忽上堂辭衆是夕閑方丈門自縊死及火舍利五色不可勝計鄒忠公為作詩云逆行天莫測雄作瀆中經漚滅風前質蓮開火後形鉢盂殘蜜白爐篆冷煙青空有誰家曲人間得細聽彥遠又云殊少為士人遊蕩不羈為妻投毒羹載中幾死啖蜜而解醫云復食肉則毒發不可療遂棄家為浮屠鄒公所謂誰家曲者謂其雅工於樂府詞猶有不羈餘習也

安州老人心似鐵老人心肝小兒舌不食五穀惟食蜜
笑指蜜蜂作檀越蜜中有詩人不知千花百草爭含姿
老人咀嚼時一吐還引世間癡小兒小兒得詩如得蜜
蜜中有藥治平聲百疾正當狂走捉風時一笑看詩百憂
失東坡先生取人蘄幾人相歡幾人嫌恰似飲茶甘苦
雜不如一作知食蜜中邊話因君寄與雙龍餅鏡空一照
雙龍影三吳六月水如湯老人心似雙龍井

四十二章經財之於人譬如刀刃有蜜小兒飮之有割
舌之患又若有人得道猶如食蜜中邊皆話後漢朱浮

傳與彭寵書云伯通獨中風狂走自捐盛時漢郊
祀志谷永曰求之盪盪如係風捕景終不可得

次韻錢穆父紫薇花二首

虛白堂前合抱花秋風落日照橫斜
閱人此地知多少

物化無涯生有涯

公自注虛白堂前紫薇
兩株俗云樂天所種

杭州圖經虛白堂在舊治白樂天有詩云虛白堂前衙
退後更無一事到中心漢蓋寬饒傳此如傳舍所閱多
矣再見莊子聖人其生也天行其死也物化又養生
主篇吾生也有涯而知也無涯以有涯隨無涯殆已

折得芳蕤兩眼花題詩相報字傾斜
篋中尚有絲綸句

公自注白樂天紫薇花詩絲綸閣下文章靜鐘鼓樓中
刻漏長獨坐黃昏誰是伴紫薇花對紫薇郎上嘗書此

詩以
賜軾
坐覺天光照海涯

送張嘉州

少年不願萬戶侯亦不願識韓荆州
頗願身為漢嘉守
載酒時作凌雲游
虛名無用今白首
夢中卻到龍泓口
浮雲軒冕何足言
惟有江山難入手
峨眉看山月半輪
秋影入平羌
江水流謫仙
此語誰解道
請看見月時
登樓笑談萬事真
何有一時付與東巖酒
公自注佛峽人
家白酒舊有名
歸來還受一大錢
好意莫違黃髮叟

李白與韓荆州朝宗書聞天下談士相聚而言曰生不用萬戶侯但願一識韓荆州嘉州九頂山上寺曰凌雲龍泓口在凌雲之上土人謂之龍巖後漢劉寵傳為會稽太守徵還山陰老叟龐參詣駭人齎百錢以送寵為人選一大錢受之

次韻蘇伯固主簿重九

蘇伯固名堅博學能詩公與講宗盟自黃徙汝

同遊廬山有歸朝歡詞以劉夢得比之公自翰林字杭道吳興伯固以臨濮縣主簿監杭州在城商稅自杭來會作後六客詞伯固與馬方經理開西湖伯固建議謂當參酌古今而用中策湖成其力為多後一歲又相從於廣陵有和伯固韻送李孝博詩公歸自海南伯固在南華相待有詩載三十九卷黃魯直謫死宜州至大觀間伯固在嶺外護其喪歸

葬雙井其風義如此子庠字養直學
世其家號後湖居士有文集行世

雲間朱袖拂雲和知

一作應

是長松挂女蘿髻重不嫌黃

菊滿手香新喜綠橙搓墨飜衫袖吾方醉紙落雲煙子
患多只有黃雞與白日玲瓏應識使君歌

李白寄遠詩遙知玉牕裏纖手弄雲和奏曲有深意青
松交女蘿詩小雅薦與女蘿施於松上白樂天有醉示
妓人商玲瓏歌已見

送李陶通直赴清谿

忠文文正二大老

公自注司馬溫公范蜀公君之師友溫公諡文正蜀公諡忠文
蘇李

廣平三舍人

公自注蘇子容宋次道與先公才元熙寧中封還李定詞頭天下謂之三舍人喜

見通家賢子弟自言得邑少風塵從來勢利關心薄此

去谿山琢句新
曾向西湖留數月
錢塘初識小麒麟

三舍人熙寧初大臣薦秀州軍事判官李定召見擢太子中允守監察御史裏行知制誥宋敏求以定驟自幕職而升朝著任執法非故事蘇頌李大臨相繼封還詞頭不草制敏求前罷頌與大臨更奏復下至于七八遂俱罷歸班而定御史之命亦中寢

次韻楊公濟梅花十首

楊公濟名蟠章安人舉進士能詩題金山云天

未樓臺橫北固夜深燈火見揚州歐陽文忠公讀公濟章安集詩云蘇梅久作黃泉客我

亦今為白髮翁臥讀楊蟠一千首乞渠秋月
與春風先生守杭公濟通判州事知壽州提

點荆廣
鑄錢卒

梅梢春色弄微和作意南枝翦刻多月黑林間逢縞袂

霸陵醉尉誤誰何

撫遺蜀州有紅梅數本郡侯構閣環牆以固之游人莫
得見也一日梅已放有兩婦人凭欄語笑守梅吏走報
郡侯既啟鑰闥不見人唯於東壁有詩云南枝向暖北
枝寒一種春風有幾般憑仗高樓莫吹笛大家留取倚
欄干

相逢月下是瑤臺藉草清樽連夜開明日酒醒應滿地

空令饑鶴啄莓苔

綠髮尋春湖畔回
萬松嶺上一枝開
而今縱老霜根在
得見劉郎又獨來

月地雲堦漫一樽
玉奴

當作兒

終不負東昏
臨春結綺荒

荆棘誰信幽香是返魂

牛僧孺周秦行記僧孺遇薄后潘妃楊妃戚妃作詩云
香風引到大羅天
月地雲堦拜洞仙
共道人間惆悵事
不知今夕是何年
后曰今夕誰伴牛秀才戚辭潘亦辭
曰東昏以玉兒故身死國除不擬負他乃令王昭君夕
馬楊妃在坐自稱玉奴十洲記聚窟洲有返
魂香死尸在地聞香即活仙傳拾遺亦云

日出冰湖散水花野梅官柳漸欹斜西郊欲就詩人飲
黃四娘東子美家

杜子美江上獨步尋花詩黃四
娘家花滿蹊千朵萬朵壓枝低

君知蚤落坐先開莫著新詩句句催嶺北霜枝最多思
忍寒留待使君來

李義山詩忍寒應欲試梅難白
樂天新栽梅今年好待使君來

冰盤未薦含酸子雪嶺先看耐凍枝應笑春風木芍藥
豐肌弱骨要人醫

寒雀喧喧凍不飛
遶林空啁未開枝
多情好與風流伴
不到雙雙燕語時

鮫綃翦碎玉簪輕
檀暈粧成雪月明
宵伴老人春一醉
懸知欲落更多情

北夢瑣言張建章大夫於渤海遇水仙遺鮫綃自齋以進明宗有事郊丘建章鄉人掌東序之實言國璽外有二物一即鮫綃也亦云夏天清暑展開滿堂凜然

縞裙練悅玉川家
肝膽清新冷不邪
穠李爭春猶辦此
更教踏雪看梅花

韓退之李花詩夜領張徹投盧仝乘雲共到玉皇家長
姬香御四羅列縞帟練悅無等差清寒瑩骨肝膽醒一
生思慮
無由邪

贈劉景文

荷盡已無擎雨蓋菊殘猶有傲霜枝
一年好景君須記
最是橙黃橘綠時

謝關景仁送紅梅栽二首

年年芳信負紅梅江畔垂垂又欲開
珍重多情關令尹
直和根撥送春來

為君裁向南堂下記取他年著子時酸醎不堪調衆口
使君風味好攢眉

歐陽歸田錄丁晉公南遷過潭州作齋僧疏云補仲山之哀雖曲盡於一心和傳說之美實難調於衆口

辯才老師退居龍井不復出入余往見之嘗出
至風篁嶺左右驚曰遠公復過虎谿矣辯才笑
曰杜子美不云乎與子成二老來往亦風流因
作亭嶺上名曰過谿亦曰二老謹次辯才韻

辯才

事見第十卷贈上天竺辯才師詩注

日月轉雙轂古今同一丘惟此鶴骨老凜然不知秋去
住兩無礙人天爭挽留去如龍出山雷雨卷潭湫來如
珠還浦魚鼈爭駢頭此生暫寄寓常恐名實浮我比陶
令媿師為遠公優送我還過谿谿水當逆流聊使此山
人永記二老游大千在掌握寧有別離憂

賈島詩碌碌復碌碌百年雙轉轂漢楊惲傳古與今如一
丘之貉後漢孟嘗傳合浦郡海出明珠先時宰守貪
穢珠漸徙於交趾嘗為太守革易前弊未踰歲去珠復
還周易貫魚以宮人寵無不利王弼曰駢頭相次似貫
魚也廬山記遠公與陶元亮陸修靜語道不覺過虎谿
因相與大笑故作三笑圖再見柳子厚石門精室詩小

劫不逾瞬大

千若在掌

送程之邵僉判赴闕

程之邵名遵彥事見二十八卷新茶送僉判程朝奉

詩注元祐三年龍圖閣待制熊伯通本自越移杭尋改江寧而先生繼之之邵蓋是伯通

雅致幕府故有賢哉江東守收此幕中奇之句

夜光不自獻天驥良難知從來一狐腋或出五穀皮賢

哉江東守收此幕中奇無華豈易識既得不自隨留君望此府助我憐其衰二年促膝語一旦長揖辭林深伏猛在岸改潛珍移去此當安從失君徒自悲念君瑚璉

質當今臺閣宜去矣會有合豈常懷其私

世說王東亭為宣武主簿既承藉有譽為一府之望舊唐書韋思謙傳皇甫公義引為沛王府倉曹曰屈心為數旬客以望此府禮記虎豹之皮示伏猛也漢賈誼傳襲九淵之神龍分沕淵潛以自珍

寄梅宣義園亭

梅宣義者吳郡人子明之父子明為杭州通判與東坡同僚嘗

以白石遺子明以奉其父載二十八卷此詩云愛子幸僚友久要疑弟昆又云明年過君西蓋吳郡為滿去歸塗也先生後有除夜園空詩呈公濟子侔二通守不著子明當已去

官耶

仙人子真後還隱吳市門不惜十年力治此五畝園初

期橘為奴漸見桐有孫清池壓丘虎異石來湖黿敲門
無貴賤遂性各琴樽我本放浪人家寄西南坤敝廬雖
尚在小圃誰當樊羨君欲歸去奈此未報恩愛子幸僚
友久要疑弟昆明年過君西飲我空鉶盆

漢梅福傳字子真少補南昌尉後去官棄妻子去九江
至今傳為仙其後人有見於會稽者變姓名為吳市門
卒僧文覽洞庭湖山記黿頭山形如黿欲行狀有眼鼻
山中所出貞石郡人琢而為器周易坤元亨西南得朋
東北喪朋王弼注西南致養之地與坤同道者也
詩國風折柳樊圃注云樊藩也圃菜園也

熙寧中軾通守此郡除夜直都聽囚繫皆滿日

暮不得返舍因題一詩于壁今二十年矣衰病
之餘復忝郡寄再經除夜庭事蕭然三圍皆空
蓋同僚之力非拙朽所致因和前篇呈公濟子
侔二通守

前詩

除日當蚤歸官事乃見留執筆對之泣哀此繫中囚小
人營餽糧墮網不知羞我亦戀薄祿因循失歸休不須
論賢愚均是為食謀誰能暫縱遣閑默愧前修

會稽典錄盛吉為廷尉每至冬節獄囚當斷妻夜持燭
吉持丹筆垂泣相向舊唐書太宗紀嘗親錄囚見應死
者閔之縱使歸家期以來秋就死仍敕天下死囚皆縱
遣使至期詣京師凡三百九十明年秋自詣朝堂無一
亡匿者上皆赦之楚辭離騷騫吾法乎前修兮非時
俗之所服舊唐書裴寂傳高祖曰我與公無媿前修

今詩

山川不改舊歲月逝不留百年一俯仰五勝更王囚同
僚比岑范德業前人羞坐令老鈍守嘯諾獲少休卻思
二十年出處非人謀齒髮付天公缺壞不可修

漢律歷志秦推五勝自以為獲水德注引漢書音義曰
五行相勝秦以周為火用水勝也五行有王相死囚休

廢岑范嘯諾詳後
漢黨錮傳注屢見

游寶雲寺得唐彥猷為杭州日送客舟中手書
一絕句云山雨霏微不滿空畫船來往疾輕鴻
誰知獨臥朱簾裏一榻無塵四面風明日送彥
猷之子垌赴鄂州舟中遇微雨感歎前事因和
其韻作兩首送之且歸其書唐氏

唐彥猷名詢
錢塘人仁宗

時為知制誥子垌字林夫父任為官熙寧初
上書青苗法不行宜誅大臣異議者王安石
喜其言薦使對賜進士出身為崇文校書用
鄧綰薦為監察御史同知諫院既而數論事

不見聽因百官起居日扣陛請對力數安石
用人變法非是至六十餘條上屢止之垌慷
慨自若且讀且論上下皆震悚安石為之請
去上意雖寤亦不深怒明日貶監廣州軍資
庫至是知鄂州後知湖泉二州卒於泉林夫
當先生廢棄於時其自附甚勤簡牘題跋可
以考見此詩餞行因得彥猷舊作用以為題
三十二卷又有賦靈隱詩長篇亦止述靈隱
天竺山川風物而已其於林夫賢
否殊無一言及之意亦有在也

二妙凋零筆法空忽驚雲海戲羣鴻清詩不敢私囊篋
人道黃門有父風

晉衛瓘傳為尚書令與尚書郎索靖俱善草書時人號
一臺二妙瓘子恒為黃門郎善草隸書韋續書訣墨數

梁武帝評鍾繇書如
雲鵲造天羣鳥戲海

出處榮枯一笑空十年社燕與秋鴻誰知白首長河路
還臥當時送客風

賈島詩長江風送
客孤館雨留人

送江公著知吉州

江公著字晦叔桐廬人舉進士為洛陽尉遇久旱微雨作

詩云雲葉紛紛雨腳勻亂花柔草長精神雷
車卻碾前山過不灑原頭陌上塵司馬溫公
於士人家見之為稱薦由此知名元祐初以
近臣薦通判陳州後歷提點湖南刑獄京西
轉運副使

三吳行盡千山水猶道桐廬更清美豈惟濁世隱狂奴
時平亦出佳公子初冠惠文讀城旦晚入奉常陪劍履
方將華省起彈冠忽憶釣臺歸洗耳未應良木棄大匠
要使名駒試千里奉親官舍當有擇得郡江南差可喜
白粲連檣一萬艘紅粧執樂三千指簿書期會得餘閒
亦念人生行樂耳

公自注二耳義
不同故得重用

吳郡圖經續記漢永建四年分會稽為吳郡與吳興丹
陽號為三吳後漢嚴光傳司徒侯霸奉書光答曰懷仁
輔義天下悅阿諛順旨要頌絕霸封奏之帝笑曰狂奴
故態也又光武曰咄咄子陵不相助為理耶光曰唐堯

著德巢父洗耳士故有志何至相迫乎乃歸富春後人名其釣處為嚴陵灘漢張敞傳秦時獄法吏冠柱後惠文儒林轅固傳太后曰安得司空城旦書乎再見

聞錢道士與越守穆父飲酒送一壺

龍根為脯玉為漿下界寒醅亦漫嘗一紙鵝經逸少醉他年鵬賦謫仙狂金丹自足留衰髮苦淚何須點別腸

吳越舊邦遺澤在定應符竹付諸郎

玄怪錄巴邛人有橘園剖二大橘中有二老叟相對象戲一叟曰僕饑虛矣須龍根脯食之袖出一草根削食食訖以水嚙之化為一龍共乘之風雨晦冥忽失所在十洲記瀛洲有玉膏如酒名曰玉酒飲杯輒醉令人長

生又上元夫人謂漢武帝曰鳴天鼓飲玉漿晉王羲之傳山陰有一道士好養鵝羲之往觀焉意甚悅固求市之道士曰為寫道德經當舉羣相贈羲之欣然寫畢籠鵝而歸仙傳拾遺管霄霞籠紅鵝一雙遺之請書黃庭經李太白大鵬賦序見司馬子微謂余可與神遊八極之表因著大鵬遇希有鳥賦以自廣

次韻劉景文路分上元

華燈闕艱歲冷月挂空府三吳重時節九陌自歌舞云從月幾望遂至一百五嘉辰可屈指樂事相繼武今宵掃雲陣極目淨天宇嬉遊各忘歸闌咽頃未覩飛毬互明滅激水相吞吐老去反兒童歸來尚饒鼓新年消暗

雪舊歲添絲縷何時九江城相對兩漁父

公自注予舊欲卜居廬山

景文近買宅江州周易月幾望馬匹亡無咎激水謂水燈也韓退之陸渾火詩山狂谷狠相吐吞

再和楊公濟梅花十絕

一枝風物便清和看盡千林未覺多結習已空從著袂
不須天女問云何

維摩經有天女散華注屢見

天教桃李作輿臺故遣寒梅第一開憑仗幽人收艾納
國香和雨入青苔

左傳昭七年芊尹無宇曰人有十等下所以事上上所以共神也故王臣公公臣大夫大夫臣士士臣阜阜臣興興臣隸隸臣僚僚臣僕僕臣臺馬有園牛有牧以待百事廣志艾納松皮上蘚衣合和諸香燒之其烟團聚清白可愛出本草注香譜云艾納出西國似艾

白髮思家萬里回
小軒臨水為花開
故應剩作詩千首
知是多情得得來

人去殘英滿酒尊
不堪細雨濕黃昏
夜寒那得穿花蝶
知是風流楚客魂

春入西湖到處花
裙腰芳草抱山斜
盈盈解佩臨煙浦

脈脈當壚傍酒家

白樂天春望詩誰開湖寺西南路草綠帋腰一道斜韓
詩外傳鄭交甫將適南楚遵彼漢皋臺下遇二女佩兩
珠大如雞卵交甫曰欲子之佩二女解以與之交甫既
行顧不見二女佩亦失之列仙傳亦云漢司馬相如傳
文君與相如俱之臨邛
買酒舍乃令文君當壚

莫向霜晨怨未開白頭朝夕自相催
斬新一朶含風露
恰似西廂待月來

杜子美梅花詩朝夕催人自白頭麗情集鶯鶯詩待
月西廂下臨風戶半開隔牆花影動疑是玉人來

洗盡鉛華見雪肌要將真色鬪生枝
檀心已作龍涎吐

玉頰何勞獺髓醫

沈立之香譜龍涎香出大食國國人候島林上有異禽翔集下有羣魚游泳則必有伏龍吐涎浮於水上舟人或採得之則為巨富其涎如膠每兩與金等獺髓用孫和誤傷鄧夫人事載酉陽雜俎注已見

湖面初驚片片飛
尊前吹折最繁枝
何人會得春風意
怕見梅黃雨細時

長恨漫天柳絮輕
只將飛舞占清明
寒梅似與春相避
未解無私造物情

北客南來豈是家
醉看參月半橫斜
他年欲識吳姬面

秉燭三更對此花

與葉淳老侯敦夫張秉道同相視新河秉道有

詩次韻二首

浙江潮自海門東來勢如雷霆而浮山峙於江中與魚浦諸山犬牙

相錯洄洑激射歲敗公私船不可勝計前知信州侯臨葬親杭之南蕩往來相視地形反復講求建議自浙江上流地名石門竝山而東鑿為運河引浙江及谿谷諸水二十二里

以達於江又竝江為岸凡八里以達於龍山之大慈浦自浦北折抵小嶺鑿嶺六十五丈以達於古河浚古河四里以達於龍山運河以避浮山之險人皆以為便時公與前轉運使葉溫叟轉運判官張璠同往按視如臨言遂奏疏以聞乞令三省看詳支賜錢物委臨

監督而公以是月召還役竟不成先是杭之西湖水涸草生漸成葑田公取葑積之湖中為長堤以通南北杭人名為蘇公堤故云我鑿西湖還舊觀一眼已盡西南碧勸農使者非常人謂溫叟上饒使君更超軼謂臨也淳老溫叟字敦夫臨字張秉道乃吳興六客之一時客於杭

君不見元帥府前羅萬戟濤頭未順千弩射至今鳳凰山下路長借一箭開兩翼我鑿西湖還舊觀一眼已盡西南碧又將回奪浮山險千艘夜下無南北坐陳三策本人謀惟留一諾待我畫老病思歸真暫寓功名如幻

終何得從來自笑畫蛇足此事何殊食雞肋憐君嗜好
更迂闊得我新詩喜折屐江湖麤了我竟歸餘事後來
當潤色一菴閑臥洞霄宮井有丹砂水長赤

北夢瑣言杭州連歲潮頭直打羅剎石吳越錢尚父俾
張弓弩候潮至逆而射之由是漸退羅剎石化而為陸
地遂列廩庾焉漢溝洫志待詔賈讓言治河有上中下
策後漢楊修傳曹操出教曰雞肋外曹莫能曉修獨曰
雞肋食之則無所得棄之則如可惜公歸計決矣乃令
外白解嚴操於是廻師杭州圖經洞霄宮在餘杭縣西
南十八里

荆溪父老愁三害下斬長蛟本無賴平生倔强韓退之

文字猶為鰐魚戒石門之役萬金耳首鼠不為吾已隘
江湖開塞古有數兩鵠飛來告成壞勸農使者非常人
一言已破黎民駭上饒使君更超軼坐睨浮山如累塊
髯張乃我結韉生詩酒淋漓出狂怪我作水衡生作丞
他日歸朝同此拜

晉周處傳不修細行州曲患之嘗謂父老曰時和歲豐
何苦不樂父老曰三害未除何樂之有處問之答曰南
山白額獸長橋蛟并子為三處乃入山射殺猛獸投水
搏蛟經三日不出人以為死皆相慶處乃斬蛟而返遂
厲志好學期年州府交辟處義興陽羨人荆溪在陽羨
史記漢高祖紀大人常以臣無賴晉均曰江淮之間謂

小兒多詐狡獪為無賴屈強字出漢書舊唐書李逢吉傳韓愈性木強古詩詰韓退之詩尤工用韻寬則泛入旁韻窄則不復旁出木強可見也兩鵠用翟方進鴻臚大陂謠語已再見列子周穆王執化人之袂騰而上者中天廼止暨及化人之宮俯而視之其宮榭若累塊積蘇焉漢張釋之傳王生者善為黃老言嘗召居廷中公卿盡會立王生曰吾鞮解顧謂釋之為我結鞮釋之跪而結之水衡丞用漢龔遂及王生事已再見

施註蘇詩卷二十九

欽定四庫全書

施注蘇詩卷三十

宋蘇軾撰

施元之原註

武進邵長蘅刪補

詩五十七首

起守杭州洎元祐辛未
召還尋出守潁州作

梭筍并引

搜筍狀如魚剖之得魚子味如苦筍而加甘芳
蜀人以饌佛僧甚貴之而南方不知也筍生膚
毳中蓋花之方孕者正二月間可剝取過此苦
澀不可食矣取之無害於木而宜於飲食法當
烝熟所施畧與筍同蜜煮酢浸可致千里外今
以餉殊長老

贈君木魚三百尾中有鵝黃子魚子夜又剖癭欲分甘
籜龍藏頭敢言美願隨蔬果得自用勿使山林空老死

問君何事食木魚烹不能鳴固其理

撫言王璠詩芍藥花開菩薩面椶櫚葉散夜叉頭晉王義之傳有一味之甘剖而分之莊子山木篇夫子出於山舍故人之家故人喜命豎子殺鴈而烹之豎子請曰其一能鳴其一不能鳴請奚殺主人曰殺不能鳴者

次韻曹子方龍山真覺院瑞香花

曹子方名輔已見二十七

卷

幽香結淺紫來自孤雲岑骨香不自知色淺意殊深移栽青蓮宇遂冠薜蘿林紉為楚臣佩散落天女襟君持風霜節耳冷歌笑音一逢蘭蕙質稍回鐵石心置酒要

妍暖養花須晏陰及此陰晴間恐致慳嗇霖彩雲知易
散羈鵲憂先吟明朝便陳迹試著丹青臨

阿彌陀經舍利弗極樂國池中蓮華大如車輪青色青
光李太白東林詩我尋青蓮宇獨往謝城闕維摩經如
入薈蔔林惟嗅薈蔔不嗅餘香唐釋仲休花品每至壯
丹開月多有輕雲微雨謂之養花天文酒清話俗有慳
值風嗇值雨之說詳已見楊雄反離騷
徒恐羈鵲之將鳴兮顧先百草為不芳

次韻曹子方運判雪中同遊西湖

詞源灑灑波頭展清唱一聲巖谷滿未容雪積句先高
豈獨湖開心自遠雲山已作歌眉淺山下碧流清似眼

尊前侑酒只新詩何異書魚餐蠹簡

次韻仲殊雪中遊西湖二首

夜半幽夢覺稍聞竹葦聲起續凍折絃為鼓一再行曲
終天自明玉樓已崢嶸有懷二三子落筆先飛雲共為
竹林會身與孤鴻輕秀語出寒餓身窮詩乃亨禪老復
何為笑指孤煙生我獨念粲者誰與予目成

杜荀鶴詩夜深知雪重卧聞折竹聲賈島朝飢詩坐聞
西牀琴凍折兩三絃詩國風見此粲者楚辭九歌滿堂
兮美人忽獨與余兮目成

寶雲樓閣闌千門林靜初無一鳥喧閉戶莫教風掃地
卷簾疑有月臨軒水光潋滟猶浮碧山色空濛已斂昏
乞得湯休奇絕句始知鹽雪是陳言

寶雲寺名南史宋徐湛之傳廣陵有沙門釋惠休善屬
文湛之與之厚世祖特令還俗姓湯位至揚州從事史

次韻參寥同前

朝來處處白氍毹鋪樓閣山川盡一如總是爛銀并白玉
不知奇貨有誰居

史記呂不韋傳子楚不得意不韋
賈邯鄲見而憐之曰此奇貨可居

送小本禪師赴法雲

寓形天宇間出處會有役澹然都無營百年何由畢山
林等憂患軒冕亦戲劇我來即歸休師寧要安逸王城
滿豪傑議論紛黑白聖諦第一義對面誰不識師來亦
何事孤月挂空碧是身如浮雲安得限南北出岫本無
心既雨歸亦得珠泉有舊約何年挂鉞錫

傳燈錄梁武帝問達磨如何是聖諦第一義又問對朕
者誰答云不識互見上卷葉教授和溥字韻詩注挂錫
見注已

書渾令公燕魚朝恩圖

咸寧英氣似汾陽
夜飲軍容出紅粧
不須纏頭萬匹錦
知君未辦作呂強

唐書渾瑊繇樓煩郡王徙咸寧郭子儀封汾陽郡王唐
魚朝恩傳朝恩為天下觀軍容宣慰處置使大唐故事
稽疑代宗詔王縉等就郭子儀為軟脚局朝恩以錦綵
數萬與伎人纏頭後漢呂強傳為中常侍清忠奉公黃
巾賊起帝問所宜施行強請先赦黨人

次韻劉景文西湖席上

二老長身屹兩峰
常撞大呂應黃鍾
將辭鄴下劉公幹

卻見雲間陸士龍白髮憐君略相似青山許我定相從
吾今官已六百石慙愧當年邴曼容

周禮大師掌六律六同以合陰陽之聲陽聲黃鍾陰聲
大呂三國魏王粲傳始文帝為五官將及平原侯植好
文學東平劉楨字公幹竝見友善時在鄴宮晉陸雲傳
與荀隱素未相識常會張華坐華曰今日相遇可勿為
常談雲因抗手曰雲間陸士龍隱曰日下荀鳴鶴雲字
士龍隱字鳴鶴漢兩龔傳琅邪邴漢以清行徵用王莽
秉政遂歸老於鄉里兄子曼容亦以養志自修
為官不冒過六百石輒自免去其名過出於漢

次韻答馬忠玉

坡陀巨麓起連峰積累當年慶自鍾靈運子孫俱得鳳

慈明兄弟孰非龍河梁會作看雲別詩社何妨載酒從
祇有西湖似西子故應宛轉為君容

南史謝靈運子鳳鳳子起宗好學有文辭帝謂殊有鳳
毛見本傳後漢荀爽傳字慈明潁川為之語曰荀氏八
龍慈明無雙李陵與蘇武別詩攜手上河梁游子暮何
之又曰仰視浮雲馳奄忽互相踰長當從此別且復立
斯須又杜詩別時孤雲今
不飛時復看雲淚橫臆

予去杭十六年而復來畱二年而去平生自覺
出處老少羸似樂天雖才名相遠而安分寡求
亦庶幾焉三月六日來別南北山諸道人而下

天竺惠淨師以醜石贈行作三絕句

當年衫鬢兩青青強說重臨慰別情
衰髮祇今無可白故應相對話來生

出處依稀似樂天敢將衰朽較前賢
便從洛社休官去猶有閒居二十年

白樂天醉吟先生傳宦遊三十載
將老退居洛下尋水望山如此者
凡十年予時年六十有七墓誌云
終於東都履道私第春秋七十有五

在郡依前六百日山中不記幾回來
還將天竺一峰去

欲把雲根到處栽

次韻答黃安中兼簡林子中

老去心灰不復然一麾江海意方堅那堪黃散付子度
空羨蘇杭養樂天病肺一春難白酒別腸三夜繞朱絃
羣仙政欲吾歸去共把清風借玉川

漢韓安國傳坐法抵罪獄吏田甲辱安國安國曰死灰
不復然乎甲曰然則溺之杜牧之赴吳興詩乞得一麾
江海去樂遊原上望昭陵南史蔡廓傳字子度為吏部
尚書問中書令傅亮曰選事若悉以見付不論不然不
能拜也云云詳已見前又蔡凝傳宣帝欲用錢肅為黃
門侍郎凝曰黃散之職故須人門兼美白樂天吳郡詩

石記貞元初韋應物為蘓州牧房孺復為杭州牧韋嗜詩房嗜酒予旅二郡以當時心言異日蘇杭苟獲一郡足矣今以中書舍人聞領二州之風景韋房之詩酒兼有之矣又詩去年脫杭印今日佩蘇印玉川清風用盧全句注再見

留別蹇道士拱辰

黑月在濁水何曾不清明寸田滿荆棘藜棗無從生何時反吾真歲月今崢嶸屢接方外士早知俗緣輕庚桑託雞鵠未肯化南榮晚識此道師似有宿世情笑指北山雲訶我不歸耕仙人漢陰馬微服方地行

楞嚴經明還日輪暗還黑月佛書西土於一月中三十日內分前十五日為白月後十五日為黑月按今沙門戒牒中第一念亦云莊子庚桑楚篇庚桑子謂南榮越曰奔蜂不能化蒼蠅越雞不能伏鵲卵魯雞固能矣今吾才小不足以化子子胡不南見老子神仙傳陰長生新野人後漢陰皇后之屬籍少居富貴不好榮利知馬明生得度世之術乃執御者之禮事之十餘年不懈明生曰子真得道矣乃授以丹經教之合丹二仙既合丹成不樂昇天但服半劑為地仙故言地行也

次韻子由書王晉卿畫山水

老去君空見畫夢中我亦曾游桃花縱落誰見水到人閒伏流

杜子美觀山水圖詩人間長見畫老去恨空聞
又蕭駙馬山亭詩伏流何處入亂石開門高

山人昔與雲俱出俗駕今隨水不回
賴我胸中有佳處
一樽時對畫圖開

陶淵明歸去來辭雲無心而出岫孔德
璋北山移文請回俗士駕為吾謝逋客

又書王晉卿畫四首

山陰陳迹

當年不識此清真強把先生擬
季倫等是人間一陳迹
聚蚊金谷本何人

李白王右軍詩右軍本清真蕭灑在風塵晉王羲之傳人以蘭亭叙方石崇金谷集叙崇字季倫韓退之贈張祕書詩雖得一餉樂有如聚飛蚊再見

雪谿乘興

谿山雪月兩佳哉賓主談鋒夜轉雷猶言不見戴安道為問適從何處來

晉戴逵字安道訪戴用王徽之事再見唐武儒衡傳元稹倚宦官知制誥儒衡鄙之會食瓜蠅集其上儒衡揮以扇曰適從何處來遠集於此

四明狂客

毫端偶集一微塵何處溪山非此身狂客思歸便歸去
更求敕賜枉天真

韓退之雜詩下視寓九州一塵集毫端再見唐賀知章
自號四明狂客天寶初請為道士還鄉詔許之又詔賜
鏡湖剡溪一曲注再見

西塞風雨

斜風細雨到來時我本無家何處歸仰看雲天真簪笠
旋收江海入蓑衣

續仙傳張志和漁父詞云西塞山邊白鳥飛桃花流水
鱖魚肥青箬笠綠蓑衣斜風細雨不須歸再見

破琴詩 并引

舊說房瑄開元中嘗宰盧氏與道士邢和璞出遊
過夏口村入廢佛寺坐古松下和璞使人鑿地得
甕中所藏婁師德與永禪師書笑謂瑄曰頗憶此
邪瑄因悵然悟前生之為永師也

房瑄事出鄭處
誨明皇雜錄見

高道傳

故人柳子玉寶此畫云是唐本宋復古所臨

者元祐六年三月十九日予自杭州還朝宿吳淞
江夢長老仲殊挾琴過余彈之有異聲就視琴頗

損而有十三絃予方嘆息不已殊曰雖損尚可修
曰奈十三絃何殊不答誦詩云度數形名本偶然
破琴今有十三絃此生若遇邢和璞方信秦箏是
響泉予夢中了然識其所謂既覺而忘之明日晝
寢復夢殊來理前語再誦其詩方驚覺而殊適至
意其非夢也問之殊蓋不知是歲六月見子玉之
子子文京師求得其畫乃作詩并書所夢其上子
玉名瑾善作詩及行草書復古名廸畫山川草木

蓋妙絕一時仲殊本書生棄家學佛通脫無所著
皆奇士也

破琴雖未修中有琴意足誰云十三絃音節如佩玉新
琴空高張絃聲不附木宛然七絃箏動與世好逐陋矣
房次律因循墮流俗懸知董庭蘭不識無絃曲

舊唐書房琯傳為宰相無匪懈之意但與劉秩等高談
虛論此外則聽董庭蘭彈琴庭蘭自是大招納貨賄琯
字次律晉陶潛曰但識琴
中趣何勞絃上聲再見

題王晉卿畫後

醜石半蹲山下虎長松倒卧水中龍試君眼力看多少
數到雲峰第幾重

贈武道士彈賀若

清風終日自開簾涼月今宵自挂簷琴裏若能知賀若
詩中定合愛陶潛

續湘山野錄太宗皇帝作九絃琴七絃阮酷愛宮調中
小調子乃隋賀若弼所撰其一最優古而亡其名琴家
祇命曰賀若

元祐六年六月自杭州召還汶公館我於東堂

閱舊詩卷次諸公韻三首

半熟黃粱日未斜玉堂陰合手栽花卻尋思一作三十年

前味未飯鐘時已飯一作茶

夢覺還驚屨響廊故人來炷影前香鬢須白盡成何事

一帖空存老遂良

法帖褚遂良云即日遂良鬢髮盡白

尺一東來喚我歸衰年已迫故山期文章曹植今堪笑

卻卷波瀾入小詩

漢匈奴傳漢遺單于書以尺一牘後漢陽球傳徙衛尉
敕尚書令召拜不得稽留尺一按尺一版謂詔策也見
漢官儀杜醵高蜀州詩
文章曹植波瀾濶再見

次韻子由書王晉卿畫山水一首而晉卿和二
首

誤點故教同子敬雜篇真欲擬湯休
壠雲寄我山中信
雪月追君谿上舟
會看飛仙虎頭篋
卻來顛倒拾遺裘
王孫辨作元真子
細雨斜風不濕鷗

晉王獻之傳字子敬桓溫使書扇筆誤落因畫作鳥駸
特牛甚妙南史湯休注見本卷又江淹作雜擬三十首

有擬湯休上人詩云西北秋風至楚客思悠哉日暮碧雲合佳人殊未來本事詩梁高祖問陶弘景山中何所有陶為詩曰山中何所有嶺上多白雲只可自怡悅不堪持寄君名畫記顧愷之小字虎頭飛仙用桓玄發厨竊畫事詳見廿六卷次韻朱巖詩注杜子美北征詩天吳及紫鳳顛倒在短褐子美以至德二年拜左拾遺見本傳續仙傳張志和號玄真子注屢見

此境眼前聊妄想幾人林下是真休我今心似一潭月
君已身如萬斛舟看畫題詩雙鶴鬢歸田送老一羊裘
明年兼與士龍去萬頃蒼波沒兩鷗

圓覺經展轉妄想無有是處寒山詩吾心似秋月碧潭清皎潔杜夔州絕句萬斛之舟行若風北史房法壽傳

得一羊裘欣然自足晝則樵蘇夜誦經史晉陸雲字士龍士衡弟詩以况子由也杜贈韋左丞詩白鵷沒浩蕩萬里誰能馴

感舊詩

并引

嘉祐中予與子由同舉制策寓居懷遠驛時年二十六而子由二十三耳一日秋風起雨作中夜儻然始有感慨離合之意自爾宦遊四方不相見者十嘗七八每夏秋之交風雨作木落草衰悽然有此感蓋三十年矣元豐中謫居黃岡而子由亦貶

筠州嘗作詩以記其事元祐六年予自杭州召還
寓居子由東府數月復出領汝陰時予年五十六
矣乃作詩留別子由而去

牀頭枕馳道雙闕夜未央車轂鳴枕中客夢安得長新
秋入梧葉風雨驚洞房獨行殘月影悵焉感初涼簷仕
記懷遠謫居念黃岡一住三十年此懷未始忘扣門呼
阿同安寢已太康青山映華髮歸計三月糧我欲自汝
陰徑上潼江章想見冰檠中石蜜與柿霜

公自注予欲
請東川而歸

二物皆東
川所出

憐子遇明主憂患已再嘗報國何時畢我心

久已降

江淹擬古詩雙闕指馳道朱宮羅第宅詩小雅夜如何
其夜未央按東府在馳道旁故云枕馳道也阿同子由
一字同叔唐地里志潁
州汝陰郡梓州梓潼郡

西湖秋涸東池魚窘甚因會客呼網師遷之西

池為一笑之樂夜歸被酒不能寐戲作放魚一

首

東池浮萍半黏塊裂碧跳青出魚背西池秋水尚涵空

舞閣搖深吹苕帶吾僚有意為遷居老守縱饒那忍膾
縱橫爭看銀刀出澆滸初驚玉花碎但愁數罟損鱗鬣
未信長堤隔濤瀨滅滅發發須臾閒圍圍洋洋尋丈外
安知中無蛟龍種尚恐或有風雲會明年春水漲西湖
好去相忘渺淮海

杜子美詩水荇牽風翠帶長韓退之詩出網銀刀亂上
林賦臨坻注壑澆澆實墜字林曰澆澆小水聲也又潘
岳閑居賦游鱗澆澆數罟用孟子字詩國風施罟滅滅
鱣鮪發發鄭氏注罟魚罟滅滅施之水中發發盛貌孟
子趙氏注圉圉魚在水蠢劣之貌洋洋舒緩搖尾之貌
北戶雜錄陶朱公養魚經云魚至三百六十頭則有蛟

龍長之因風雨則飛去三國周瑜曰蛟龍得雲雨終非
池中物莊子大宗師魚相忘於江湖人相忘於道術

復次放魚韻答趙承議陳教授

趙景貺
陳履常

擾擾萬生同一塊搶榆不羨培風背青丘已吞雲夢芥

黃河復繚天門帶長譏韓子隘且陋一飽鯨魚何足膾

東坡也是可憐人披挾泥沙收細碎逝將歸修一作休八

節灘又欲往釣七里瀨正似此魚逃網中未與造物遊

數外且將新句調二子湖上秋高風月會為君更喚木

腸兒腳扣兩舷歌小海

莊子逍遙遊九萬里則風斯在下矣而後乃今培風背負青天而莫之天閼者而後乃今將圖南蜩與鸞鳩笑之曰我決起而飛搶榆枋時則不至而控於地而已矣奚以九萬里而南為漢功臣年表封爵之誓曰使黃河如帶泰山若厲泰山記山頂有大天門小天門黃河去嶽三百餘里日觀望之如帶韓退之贈劉師服詩巨緣東釣儻可期與子共飽鯨魚膾白樂天開八節灘詩序云東都龍門潭之南有八節灘顧野王與地志七里灘在東陽江下與嚴陵瀨相接晉夏統傳賈充謂統曰頗能作鄉土間曲乎統曰國人痛伍子胥忠烈為小海唱於是足以足扣船引聲喉轉充使伎女之徒盛服金翠繞其船三匝統危坐若無所聞充曰此吳兒木腸石心也韓退之荷花詩腳敲兩舷叫吳歌

九月十五日觀月聽琴西湖示坐客

白露下衆草碧空卷微雲孤光為誰來似為我與君水
天浮四坐河漢落酒樽使我冰雪腸不受麴蘖醺尚恨
琴有絃出魚亂湖紋哀彈奏舊曲妙耳非昔間良時失
俯仰此見寧朝昏懸知一生中道眼無由渾

宗玉九辯白露既下百草兮奄離披此梧楸韓退之秋
懷詩白露下百草蕭蘭共憔悴荀子瓠巴鼓瑟游魚出
聽

復次韻謝趙景貺陳履常見和兼簡歐陽叔弼

兄弟

趙景貺名令時神宗初以承議郎簽書判
官在東坡潁川幙府公謂其吏事通敏文

朱俊麗志節端亮議論英發時教授陳履常
公門人相與倡議既力薦於朝又為著說改
字德麟公由穎徙揚自揚召入再上疏薦之
遂除光祿丞紹興間封安定郡王履常名師
道家彭城少而好學苦志年十六以文謁曾
子固知其必以文高世通於詩經尤邃詩禮
為文精深雅興喜作詩小不中意輒焚去存
者財十一熙寧中王氏之學盛行履常心非
其說遂絕意進取元祐初公與傅欽之堯俞
孫莘老覺薦其文行起家為徐州教授公守
抗履常以知已之義求郡掾送行守不聽以
疾謁告別於南京詩云豈不畏簡書放麈誠
不忍後除太學博士言者用是論之改教授
穎州復相從於此家素窮或經日不炊澹如
也召為秘書省正字卒歐陽叔弼名斐季默
名辯皆文忠子此詩云或勸莫作詩兒輩工

織紋當元豐間公坐詩遷謫至是賈易趙君
錫又以揚州詩有山寺歸來聞好語之句為
間神宗上仙之報而作宣仁力為辯明君錫
輩徙官而公亦丐頴以去此聯意實在此是
家有甘井汲多終不渾
則以文忠公家而發也

能詩李長吉識字楊子雲端能望此府坐嘯獲兩君逝
將江湖去浮我五石樽眷焉復少留尚為世所醺或勸
莫作詩兒輩工織紋朱絃寄三嘆未害俗耳聞共尋兩
歐陽伐薪照黃昏是家有甘井汲多終不渾

唐李賀傳字長吉七歲能辭章韓愈使賦詩援筆輒就
漢楊雄傳字子雲劉棻嘗從雄學作奇字杜子美醉時

歌子雲識字終投閣舊唐書韋思謙傳屈公數旬以望
此府再見莊子逍遙遊子有五石之瓠何不慮以為大
樽而浮乎江湖杜宿贊公土室詩明燃林中新暗汲
古底井又示從孫濟詩淘米少汲水汲多井水渾

送歐陽主簿赴官韋城四首

名憲文忠公孫

鳳雛驥子日相高白髮蒼顏笑我曹讀徧牙籤三萬軸
欲來小邑試牛刀

出處年來恨不齊一尊臨水記分攜江湖咫尺吾將老
汝潁東流子卻西

白馬津頭春水來白魚猶喜似江淮使君已復冰堂酒

更勸重新畫舫齋

九域志滑州黎陽津一名白馬津漢酈食其傳守白馬之津歐陽畫舫齋記予至滑之三月即其署東偏之室為燕居名曰畫舫齋韋城滑屬邑

道傍垂白定霑巾正似當年綠髮新故國依然喬木在典刑復見老成人

泛潁

我性喜臨水得潁意甚奇到官十日來九日河之湄吏民笑相語使君老而癡使君實不癡流水有令姿遶郡

十餘里不駛亦不遲上流直而清下流曲而漪畫船俯
明鏡笑問汝為誰忽然生鱗甲亂我須與眉散為百東
坡頃刻復在茲此豈水薄相與我相娛嬉聲色與臭味
顛倒眩小兒等是兒戲物水中少磷緇趙陳兩歐陽同
參天人師觀妙各有得共賦泛潁詩

陶淵明和尚西曹詩蕤賓五月中清朝起南颺不駛亦
不遲飄飄吹我衣劉禹錫牛渚詩秋江鱗甲生又白樂
天詩伊水細浪鱗甲生莊子水靜則明燭須眉傳燈錄
良价禪師過水觀影大悟有偈曰我今獨自往處處得
逢渠渠今正是我我今不是渠按公詩散為百東坡
頃刻復在茲正暗用禪師語老子常無欲以觀其妙

六觀堂老人草書

公自注六觀取金剛經夢幻等六物也老人僧了性精於

醫而善草書下筆有遠韻而人莫知貴故作此詩

物生有象象乃滋夢幻無根成斯須方其夢時了非無
泡影一失俯仰殊清露未晞電已徂此滅滅盡乃真吾
云如死灰實不枯逢場作戲三昧俱化身為醫忘其軀
草書非學聊自娛落筆已喚周越奴蒼鼠奮髯飲松腴
剡藤玉板開雪膚遊龍天飛外人呼莫作羞澀羊氏姝
左傳僖公十五年韓簡曰龜象也筮數也物生而後有
象象而後有滋滋而後有數金剛經一切有為法如夢

幻泡影如露亦如電應作如是觀傳燈錄鄧隱峰對馬
祖曰竿木隨身逢場作戲法書苑周越善草書而不逮
懷素又先生不喜周越草書謂其險劣嘗跋懷素帖云
此書不佳乃似周越晉王羲之傳善隸書論者稱其筆
勢以為飄若遊雲矯若驚龍韋續書訣墨數梁武帝評
羊欣書如大家婢為夫人雖加位過而舉止羞澀終不
近似法書
死亦云

次韻劉景文見寄

淮上東來雙鯉魚巧將詩信渡江湖細看落墨皆松瘦
想見掀髯正鶴孤烈士家風安用此書生習氣未能無
莫因老驥思千里醉後哀歌缺唾壺

晉王敦傳每酒後輒詠魏武樂府老驥伏櫪志在千里云云以如意擊唾壺以為節壺邊盡缺

次韻趙景貺督兩歐陽詩破陳酒戒

商也哀未忘歲月忽已秋祥琴雖未調餘悲不敢留矧此乃韻語未入金石流羲之生五子一作之總角出銀鉤

吾家有二許下筆兩不休君言不能詩此語人信不千鍾斯為堯百榼斯為丘陋矣陶士行當以大白浮酒中那有失醉則不驚鷗明當罰二子已洗兩玉舟

檀弓子夏既除喪而見與之琴和之而不和彈之而不成聲作而曰哀未忘也先王制禮弗敢過也晉王羲之

傳有七子知名者五人索靖傳作草書狀曰婉若銀鉤
飄若驚鸞二許謂蘇許公父子瓌頊也故曰吾家魏文
帝典論論文云班固與弟起書曰武仲以能屬文為蘭
臺令史下筆不能自休後漢孔融傳曹操制酒禁融頻
書爭之曰堯不千鍾無以建太平孔非百榼無以堪上
聖又孔叢子子路嗑嗑尚飲百榼云云已見前晉陶侃
傳字士行每飲酒有定限殷浩等勸更少進侃懷懷良
久曰年少時曾有酒失亡親見約故不敢踰大白注再
見周禮秋嘗冬烝祿用犖犖黃彝皆有舟王注二
子謂歐與陳兩玉舟則先生實有揚州藥玉船也

叔弼云履常不飲故不作詩勸履常飲

我本畏酒人臨觴未嘗訴平生坐詩窮得句忍不吐吐
酒姑好詩肝胃生滓汙用此較得喪天豈不足付吾儕

非二物歲月誰與度悄然得長愁為計已大誤二歐非
無詩恨子不飲故強為嚼一酌將非作愁具成言如皦
日援筆當自賦他年五君詠山王一時數

白樂天思舊詩且進盃中物其餘皆付天左傳襄公二
十七年宋向戌從子木成言於楚詩國風謂余不信有
如皦日南史顏延年作五君詠
山濤王戎以貴顯被黜再見

臂痛謁告作三絕句示四君子

公退清閑如致仕酒餘歡適似還鄉不妨更有安心病
卧看縈簾一炷香

心有何求遣病安年來古井不生瀾祇愁戲瓦閑童子
卻作泠泠一水看

楞嚴經月光童子言嘗於比丘室中安禪我有弟子窺
牕觀室惟見清水遍在室中了無所見童稚無知取一
瓦礫投於水內激水作聲顧盼而去
我出定後頗覺心痛又互見前注

小閣低牕臥晏溫了然非默亦非言維摩示病吾真病
誰識東坡不二門

史記漢武帝紀至中山晏溫有黃雲蓋焉
如淳曰三輔謂日出清霽為晏晏而溫也

到穎未幾公帑已竭齋厨索然戲作

我昔在東武吏方謹新書齋空不知春客至先愁予采
杞聊自誑食菊不敢餘歲月今幾何齒髮日向疎幸此
一郡老依然十年初夢飲本來空真飽竟亦虛尚有赤
腳婢能烹鱖尾魚心知皆夢耳慎勿歌歸歎

白樂天詩渴人多夢飲饑人多夢食寶積經說食者竟
無所飽夢飽者竟無所得韓退之寄盧仝詩一婢赤腳
老無齒

景貺履常屢有詩督叔弼季默倡和已許諾矣
復以此句挑之

君家文律冠西京旋築詩壇按酒兵袖手莫輕真將種
致師須得老門生明朝鄭伯降誰受昨夜條侯壁已驚
從此醉翁天下樂還應一舉百觴傾

韓祭柳子厚文不善為斲血指汗顏巧匠旁觀縮手袖
間漢齊悼惠王傳朱虛侯章曰臣將種也又晉書胡貴
嬪嘗與帝博爭道傷帝指帝怒曰真將種也周禮夏官
環人掌致師鄭氏云致其必戰之志左傳僖二十八年
鄭伯如楚致其師唐書選舉志舉人既及第綴行通名
詣主司第則謂門生按摺種謂兩歐陽門生則公自謂
也左傳宣十二年楚子克鄭鄭伯肉袒牽羊以迎漢周
亞夫傳景帝詔使救梁亞夫不奉詔堅壁不出夜軍中
驚內相攻擊擾亂至於帳下亞夫堅卧不起頃之復定
亞夫封條侯醉翁歐陽公自謂也歐公寄蘇子美詩我

亦願助勇鼓旗噪其旁快
哉天下樂一酬宜百觴

贈月長老

天形倚一笠地水轉兩輪五伯之所運毫端栖一塵功
名半幅紙兒女浪苦辛子有折足鐺中容五合陳十年
此中過卻是英特人延我地爐坐語軟意甚真白灰如
積雪中有紅騏驎勿觸紅騏驎作灰維那瞋拱手但默
坐牆壁徒諄諄今宵恨客多汙子白氎巾後夜當獨來
不煩主與賓蒲團坐紙帳自要觀我身

虞洪穹天論天形如笠而冒地之表晉天文志引葛洪
渾天說云天如鷄子地如鷄中黃天表裏有水各乘氣
而立載水而行周天三百六十五度半覆地上半繞地
下走轉如車轂之運也傳燈錄汾州無業國師云看它
古德得意之後茅茨石室向折腳鐺子裏煮飯喫杜贈
閻丘師兄詩夜闌接軟語屢見紅騏驎獸炭也傳燈錄
牆壁瓦礫亦能說法杜贊公房詩細軟青絲
履光明白氎巾深藏供老宿取用及吾身

次韻答錢穆父穆父以僕得汝陰用杭越酬唱

韻作詩見寄

大耿疲勞已離羣小馮慈愛且當門

公自注載本以舍弟親嫌請郡

玉

堂不著扶犁手霜鬢偏宜畫鹿轡豪傑雖無兩王繼風

流猶有二歐存

公自注兩王謂子直深父二歐謂叔弼季默

清詩已入新歌

舞要使邦人識雅言

後漢耿弇傳張步曰尤來大彤十餘萬衆吾皆即其營而破之今大耿兵少又皆疲勞足可摧乎注弇耿況之長子故呼為大耿小馮注已再見謝承後漢書鄭弘為臨淮太守行春有兩白鹿隨車夾轂而行主簿黃質曰三公車輔畫作鹿明府當為相乎後果為太尉

韓退之孟郊墓銘云以昌其詩舉此問王定國

當昌其身耶昌其詩也來詩下語未契作此答

之

王定國與吳正憲充馮文簡京素善而師友東坡舒亶輩欲傾二公因坡詩獄羅織定國

遂南行萬里三年而歸司馬溫公當國深器
遇之東坡在翰林以人言力請郡去未幾定
國亦報罷此詩自慎勿怨
謗讒以下端為定國發也

昌身如飽腹飽盡還復飢昌詩如膏面為人作容姿不
如昌其氣鬱鬱老不衰雖云老不衰劫壞安所之不如
昌其志志一氣自隨養之塞天地孟軻不吾欺人言魏
勃勇股栗向小兒何如魯連子談笑卻秦師慎勿怨謗
讒乃我得道資淤泥生蓮花冀壤出菌芝賴此善知識
使我枯生冀吾言豈須多冷暖子自知

送歐陽推官赴華州監酒

我觀文忠公四子皆超越仲也珠徑寸照夜光如月好
詩真脫兔下筆先落鶻知音如周郎議論亦英發文章

乃餘事學道探玄窟死為長白主名字書絳闕

公自注熙寧之

末仲純父見僕於京城之東曰吾夢道士持告身授吾曰上帝命汝為長白山主此何祥也明年仲純父沒

傷心清潁尾已伴白鷗沒喜見三少年俱有千里骨千里不難到莫遣歷塊蹶臨分出苦語願子書之笏

四子發伯和奕仲純渠叔弼辨季黥史記田敬仲完世家梁王曰寡人國小也尚有徑寸之珠照車前後各十

二乘者十枚三國吳周瑜精意音樂有闕誤瑜必知之
詳見廿六卷次韻王都尉詩注呂蒙傳孫權論蒙曰籌
畧奇至可次公瑾但言議英發不及耳瑜字公瑾歷塊
字出漢書王褒傳詳十二卷韓幹牧馬圖詩注晉與服
志古者貴賤皆執笏有事則書之釋名笏忽也有教命
及所啓白則書其上倏忽忘也又法書苑秦有八體書
其七曰父書徐鉉曰書
於父也文書笏武書父

十月十四日以病在告獨酌

翠栢不知秋空庭失搖落幽人得嘉蔭露坐方獨酌月
華稍澄穆霧氣尤清薄小兒亦何知相語翁正樂銅爐
燒栢子石鼎煮山藥一盃賞月露萬象紛酬酢此生獨

何幸風纜欣初泊
逝逃顏跖網行赴
松喬約莫嫌風有
待漫欲戲寥廓
冷然心境空彷彿
來笙鶴

歐陽公顏跖詩顏回飲瓢水陋巷卧曲肱盜跖厭人肝
九州恣橫行回仁而短命跖壽死免兵愚夫仰天呼禍
福豈足憑云云漢王褒傳偃仰詘信若彭祖响噓呼吸
如喬松顏師古曰喬王喬松赤松子也莊子逍遙遊列
子御風而行冷然善也此雖免乎行猶有所待也屢見
列仙傳王子喬好吹笙作鳳凰鳴於緱氏山頭乘白鶴
駐山嶺舉手謝
時人數日而去

獨酌試藥玉滑盞有懷諸君子明日望夜月庭
佳景不可失作詩招之

鎔鉛煮白石作玉真自欺琢削為酒盃規摹定州瓷荷
心雖淺狹鏡面良渺瀰持此壽佳客到手不容辭曹侯
天下平定國豈其師一飲至數石溫克頗似之風流越
王孫詩酒屢出奇喜我有此客玉杯不徒施請君詰歐
陳問疾來何遲呼兒掃月榭扶病及良時

漢張釋之傳廷尉天下平也于定國傳為廷尉食酒至
數石不亂冬月治請讞飲酒益精明詩小雅人之齊聖
飲酒溫克

歐陽季默以油煙墨二丸見餉各長寸許戲作

小詩

書牕拾輕煤佛帳掃餘馥辛勤破千夜收此一寸玉癡
畏老死腐朽同草木欲將東山松湮盡南山竹墨堅
人苦脆未用歎不足且當注蟲魚莫草三千牘

漢公孫賀傳朱安世曰南山之竹不足受我辭斜谷之
木不足為我械韓退之讀皇甫湜詩爾雅注蟲魚定非
磊落人史記滑稽傳東方朔初入長
安至公車上書凡用三千奏牘再見

明日復以大魚為饋重二十斤且求詩故復戲
之

漢庭九尺人誰似老方朔那將一寸金令足三冬學餉
魚欲自洗鱗尾生卓犖我是騎鯨手聊堪充鹿角

漢東方朔傳初來上書曰臣年十二學書三冬文史足
用楊雄羽獵賦乘鉅鱗騎鯨魚杜選孔巢父詩若逢李
白騎鯨魚道甫問訊今何如歐陽公達頭魚詩吾聞海
之大物類無窮極毛魚與鹿角一禽數千百鹿角小魚
也

和趙景貺栽檜


汝陰多老檜處處屯蒼雲地連丹砂井物化青牛君時
有再生枝

公自注穎之靈
壇觀有再生檜

還作左紐紋王孫有古意書

室延清芬應憐四孺子不墮凡木羣體脩松栢姿氣含
芝木薰初扶鶴立骨未出龍纏筋巢根白蟻亂網葉秋
蟲紛乃知蔽蒂初甚要封殖勤他年皮三寸狐鼠了不
聞

玄中記千歲之樹精化為青羊萬歲之樹精化為青牛
秦始皇使人伐大樹有青牛躍出走入豐水青瓊高議
亳州太清宮八檜有左紐煉丹等名王注杜甫有種四
小松詩又管子對齊侯問苗曰苗始其少也煦煦乎何
其孺子也今栽檜亦適有四故云爾雅釋木柏葉松
身曰檜漢晁錯傳胡貉之地木皮三寸冰厚六尺



施注蘇詩卷三十

欽定四庫全書

集部

施註蘇詩卷三十一

詳校官庶吉士_臣李傳熊

檢討_臣何思鈞覆勘

覆校官中書_臣宋 鎔

校對官中書_臣王鍾泰

謄錄監生_臣畢所誥

欽定四庫全書

施註蘇詩卷三十一

宋 蘇軾 撰

施元之 原註

武進邵長蘅 刪補

詩三十九首

時守潁
州作

葉待制求先墳永慕亭詩

葉待制名康直字景
溫建州人擢進士第

知光化縣其政務便民以治績顯歷秦鳳映
西轉運釐沒原師知秦州夏人寇甘谷景溫
戒諸將設伏以待殲其二酋自直龍圖閣進
待制映西都轉運使請亳州召為兵部侍郎

卒

靈區有異產化國無潛珍承平百年間簪纓半齊民建
谿富奇偉葉氏初隱淪森然見喬木其下維德人佳哉
鬱蔥蔥氣若鳳與麟聯翩出儒將豈惟十朱輪新松無
鹿觸舊柏有烏馴待公歸上冢淚葉乃有春

漢賈誼傳襲九淵之神龍兮吻淵潛以自珍楊惲傳
家方隆盛時乘朱輪者十人晉許孜傳二親沒孜宿

墓所列植松栢時有鹿犯其松栽攷悲歎之明日鹿
為猛獸所殺置於戟下自後樹木滋茂而無犯者唐
褚無量傳廬母墓左鹿犯所植松栢無量號訴曰山
林不乏忍犯吾塋樹耶自是羣鹿馴擾北史蕭放傳
字希夷居喪廬前有二慈烏各集一樹為巢馴庭飲
啄每到臨時舒翼悲鳴有似助哀也放與無量二事
並互見廿一卷思成堂詩晉王裒傳廬父墓側常攀
柏悲號涕淚著樹樹為之枯孟郊古薄命妾行青山
有蘼蕪淚
葉常不乾

與趙陳同過歐陽叔弼新治小齋戲作

江湖渺故國風雨傾舊廬東來三十年媿此一束書尺
椽亦何有而我常客居羨君開此室容膝真有餘拊牀

琴動搖弄筆牕明虛後夜龍作雨天明雪填渠

公自注時方禱

雨龍祠作此句時星斗粲然四更風雨大至明日乃雪

夢回聞剝啄誰乎

一作呼

趙

陳予添丁走沽酒通德起挽蔬主孟當啗我玉鱗金尾

魚一醉忘其家此身自遽陳

韓退之示兒詩始我來京師止攜一束書辛勤三十年以有此屋廬此屋豈為華於我自餘通德伶玄之妻樊通德也已見國語施優謂里克曰主孟啗我注云大夫之妻從夫稱主而孟則里克妻字也遽陳麤竹席已見先生詩話元祐六年十月二十六日禱雨張龍公會景貺履常二歐陽子作詩云夢回聞剝啄誰乎趙陳予景貺拊掌曰句法甚新前人未有此法季默曰有之長官請客吏請客目曰主簿少府我即此語也

聚星堂雪

并引

元祐六年十一月一日禱雨張龍公得小雪與客
會飲聚星堂忽憶歐陽文忠公作守時雪中約客
賦詩禁體物語於艱難中特出奇麗爾來四十餘
年莫有繼者僕以老門生繼公後雖不足追配先
生而賓客之美殆不減當時公之二子又適在郡

故輒舉前令各賦一篇

廬陵集載雪詩注云時在
潁州作其序曰玉月梨梅

練絮白舞鵝鵲銀
等字皆請勿用

牕前暗響鳴枯葉龍公試手行初雪映空先集疑有無
作態斜飛正愁絕衆賓起舞風竹亂老守先醉霜松折
恨無翠袖點橫斜祇有微燈照明滅歸來尚喜更鼓暗
晨起不待鈴索掣未嫌長夜作衣稜卻怕初陽生眼纈
欲浮大白追餘賞幸有回飈驚落屑模糊檜頂獨多時
歷亂瓦溝裁一瞥汝南先賢有故事醉翁詩話誰續說
當時號令君聽取白戰不許持寸鐵

歐陽叔弼見訪誦陶淵明事歎其絕識既去感

槩不已而賦此詩

淵明求縣令本緣食不足束帶向督郵小屈未為辱翻
然賦歸去豈不念窮獨重以五斗米折腰營口腹云何
元相國萬鍾不滿欲胡椒銖兩多安用八百斛以此殺
其身何翅抵鵲玉往者不可悔吾其反自燭

唐元載傳為相聚斂無涯賜死後籍其家胡椒至
八百石他物稱是鹽鐵論崑山之旁以玉抵烏鵲

喜劉景文至

天明小兒更

平聲

傳呼髯劉已到城南隅尺書真是髯手

迹起坐慰眼知有無今人不作古人事今世有此古文
夫我聞其來喜欲舞病自能起不用扶江淮早久塵土
惡朝來清雨濯鬢鬢相看握手兩無事千里一笑無乃
迂平生所樂在吳會老死欲葬杭與蘇過江西來二百
日冷落山水愁吳姝新堤舊井各無恙參寥六一豈念
吾別後新詩巧摹寫袖中知有錢塘湖

新堤謂所築蘇公堤舊井謂所治唐六井參寥六一
二泉名先生有參寥泉銘又有六一泉銘皆杭州事

禱雨張龍公既應劉景文有詩次韻

張公晚為龍抑自龍中來伊昔風雲會咄嗟潭洞開精
誠苟可貫賓主真相陪洞簫振羽舞白酒浮雲疊言從
關州妃遠去焦氏臺傾倒餅中雨一洗麥上埃破旱不
論功乘雲卻空回嗟龍與我輩用意豈遠哉使君今子
義英風冠東萊笑說龍為友幽明莫相猜

歐陽公集古跋尾張龍公碑唐趙耕撰有云公常釣於
焦氏臺之陰夫人關州石氏又詳本卷次韻陳履常張
公龍潭詩注見後漢書洞簫注云簫之無底者周禮凡
舞有帔舞有羽舞又再獻用兩山尊皆有壘鄭氏注山
壘刻畫為山雲之形三國志吳太史
慈字子義東萊黃人也最有膽烈

劉景文家藏樂天身心問答三首戲書一絕其

後

淵明形神自我樂天身心相物而今月下三人他日當

成幾佛

陶淵明有形贈影影答形神釋三首序云貴賤賢愚莫不營營以惜生斯甚惑焉故極陳形影之苦言神辨自然以釋之好事君子共取其心焉白樂天有心問身身報心心重答身三絕句題云閑臥獨吟無人酬和聊假身心相戲復馬南史孟顓事佛精懇而為謝靈運所輕嘗謂顓曰得道應須慧業文人生天在靈運前成佛當在靈運後再見

西湖戲作

王注杭穎皆有西湖先生連守二州其到穎有謝執政啟云入參兩禁用

玷北扉之榮出典二邦輒為西湖之長

一士千金未易償我從陳趙兩歐陽舉鞭拍手笑山簡
祇有并州一葛強

晉山簡傳兒童歌之曰舉鞭向葛疆何如并州兒疆家在并州簡愛將也又互見前

送歐陽季默赴闕

先生豈止一懷祖郎君不減王文度膝上幾日今白頭
令我眼中見此父汝南相從三晦朔君去苦早我來暮

霜風淒緊正脫木
潁水清淺可立鷺
莫辭白酒瀉香泉
已覺扁舟掠新渡
坐看士衡執別手
更遣夢得出奇句
郎君可是笕庫人
乃使駉驥隨蹇步
置之行矣無足道
賢愚豈在遇不遇

晉王述傳字懷祖受其子坦之雖長大猶抱膝上王坦之傳字文度時人語曰江東獨步王文度王羲之常謂諸子曰吾不減懷祖而位遇懸邈當由汝等不及坦之故耶並再見晉陸機字士衡弟字士龍唐劉禹錫字夢得按時季默兄叔弼及劉景文在潁故有坐看士衡之句禮記趙文子之於晉國舉管庫者七十餘家杜子美錦樹行天驥跛足隨羸牛

用前韻作雪詩留景文

萬松嶺上黃千葉載酒年年踏松雪
劉郎去後誰復來
花下有人心斷絕
東齋夜坐搜雪句
兩手龜拆霜須折
無情豈亦畏朝弄
穿簾入戶吹燈滅
紛紛兒女爭所似
碧海長鯨君未掣
朝來雲漢接天流
顧我小詩如點纈
歐陽趙陳在戶外
急掃中庭鋪木屑
交遊雖似雪柏堅
聚散行作風花瞥
晴光融作一尺泥
歸有何事真無說
泥乾路穩放君去
莫倚馬蹏如踣鐵

莊子不龜手注其藥能令手不龜拆已見白樂天與元
九書梁陳閒率不過嘲風雪弄花草而已杜子美詩未
掣鯨魚碧海中國陶侃傳鎮武昌時造船木屑及竹頭
悉令舉掌之咸不解後正會積雪始晴聽事前餘雪猶
濕於是以前布地杜子美驄馬行腕
促蹠高如踏鐵交河幾蹠層冰裂

和劉景文見贈

元龍本志陋曹吳豪氣崢嶸老不除失路今為噲等伍
作詩猶似建安初西來為我風鰲面獨臥無人雪縞廬
留子非為十日飲要令安世誦亡書

三國志元龍湖海之士豪氣不除詳已見前漢韓信傳
嘗過樊噲噲曰大王乃有臨臣信出笑曰生乃與噲等

為伍建安後漢末年號魏文帝典論曰今之文人魯國
孔融文舉廣陵陳琳孔璋山陽王粲仲宣北海徐幹偉
長陳留阮瑀元瑜汝南應瑒德璉東平劉楨公幹此七
子皆在建安時也韓退之薦士詩五言出漢時蘇李首
更號東都漸瀾漫派別百川導建安能者七卓犖變風
操列子黃帝篇商丘開年老子弱面目黧黑史記范雎
傳秦昭王遺平原君書曰君幸過寡人願與君為十日
之飲漢張安世傳上行幸河東亡書三篋詔問莫能知
惟安世識之具述其事後購求得書以相校無所遺失

和劉景文雪

占雨又得雪龜寧欺我哉似知吾輩喜故及醉中來童
子愁冰硯佳人苦膠杯那堪李常侍入蔡夜銜枚

左傳昭二十五年臧昭伯如晉臧會竊其實龜倭句以卜僭吉曰倭句不吾欺也杜預注倭句龜所出地名王注膠字去聲與白樂天一磔膠牙錫之膠同膠杯雖出莊子置杯焉則膠而此所謂膠杯乃是酒凍也唐李應傳討吳元濟夜半冒雪入駐元濟外宅周禮大司馬篇銜枚而進注枚如箸銜之軍法以止語

次前韻送劉景文

白雲在天不可呼
明月豈肯留庭隅
怪君西行八百里
清坐十日一事無
路人不識呼尚書
但見凜凜雄千夫

公自注君一馬兩僕率然相訪
逆旅多呼尚書意謂君都頭也

豈知入骨愛詩酒
醉倒

正欲蛾眉扶一篇
向人寫肝肺四海知
我霜鬢須

公自注君

前有詩見寄云四海共知歐陽趙陳皆我有豈謂夫子
霜鬢滿重陽曾揀菊花無

駕復迂邇來又見三點柳共此暖熱餐羶蘇酒肴酸薄

紅粉暗祇有賴水清而姝一朝寂寞風雨散對影誰念

月與吾

公自注郡中日與歐陽叔弼趙景旼陳履常相
從而景文復至不數日柳戒之亦見過賓客之

盛頃所未有然又數日何時歸帆泝江水春酒一變甘
叔弼景文戒之皆去矣

棠湖

公自注景文近卜
居九江近甘棠湖

仙傳拾遺穆王觴西王母於瑤池上王母謠曰白雲在
天山陵月出道里悠遠山川間之唐袁滋傳與之接者
皆目謂可見肺肝白樂天對酒詩賴有酒仙相暖熱餐
羶用漢蘇武事庾信出橫門詩明朝風雨散何處更相

尋

以屏山贈歐陽叔弼

漫郎天骨清生與世俗異學道新有得為貧聊復仕每
於紅塵中嘗起青霞志屏山輟贈子莫遣污簪珥寓目
紫翠間安眠本非睡夢中化為鶴飛入長松寺

漫即用元結傳語屢見江文通恨賦鬱青霞之奇意
杜牧之詩千峯橫紫翠遺教經睡蛇既出乃可安眠

新渡寺席上次趙景貺陳履常韻送歐陽叔弼
比來諸君唱和叔弼但袖手旁睨而已臨別忽

出一篇頗有淵明風致坐皆驚歎

神屠不目全妙額惟糝半更刀乃族庖倚市必醜悍平生魏公籌忽斲郢人墁詩書亦何用適道湏此館多言

雖數窮微中或排難子詩如清風簌簌

六反收

發將旦胡

為久閉匿綺語真自患許時笑我癡隔屋相詠歎竟識彥道不絕叫呼百萬清朝固多士人門子皆冠莫言清潁水從此隔河漢異時我獨來得魚楊柳貫持歸不忍食尺素解淒斷中有清圓句銅丸飛柘彈春愁結凌澌

正待一笑泮百篇儻寄我呻吟鄭人緩

莊子養生主庖丁謂文惠君曰始臣解牛之時所見無非牛者三年之後未嘗見全牛也又良庖歲更刀割也族庖月更刀折也孫綽天台賦投刃皆虛目牛無全後漢馮廖上疏長樂宮云長安語曰城中好廣眉四方且半額城中好大袖四方全足帛見馬援傳南史梁元帝徐妃以帝眇一目每知帝將至必為半面粧以俟晉魏舒傳為鍾毓長史毓與參佐射舒嘗為畫籌而已後遇朋人不足以舒滿數舒發無不中毓謝而嘆曰吾之不足以及盡卿材有如此射豈一事哉莊子徐無鬼郢人堊漫其鼻端若蠅翼使匠石斲之注再見史記滑稽傳談言微中亦可以解紛魯仲連傳為人排患釋難陳後主詩見面無多事聞名爾許時晉顧愷之傳與謝瞻連省夜於月下長詠瞻每遇贊之愷之彌自力瞻將眠令人代已愷之不覺有異俗傳愷之癡絕晉袁耽傳字彥道

就局十萬一擲直上百萬投馬絕叫曰竟識袁彥道不
詳見六卷會客有美堂詩注南史蔡凝傳上謂凝曰我
欲用義興主堦錢肅為黃門郎卿意如何凝曰黃散之
職故湏人門兼美惟陛下察之唐史李揆傳肅宗謂揆
曰卿門地人物文學皆當世第一石鼓文其魚維何維
鯢維鯉何以貫之維楊與柳西京雜記長安五陵人以
柘木為彈真珠為丸以彈鳥鵲南史王筠傳好詩圓美
沉轉如彈丸再見莊子列禦寇鄭人緩也呻吟裘氏之
地祇三年
而緩為儒

次韻趙景貺春思且懷吳越山水

歲華來無窮老眼久矣靜春風如繫馬未動意先騁西
湖忽破碎鳥落魚動鏡縈城理枯瀆放閤起膠艇願君

營此樂官事何時竟

公自注清河西湖三閘督君成之

思吳信偶然出

處付前定飄然不繫舟乘此無盡興醉翁行樂處草木

皆可敬明朝游北渚急掃黃葉徑白酒真到齊紅帶已

放鄭

公自注酒尚有香泉一壺為樂全先生服不作樂也

莊子列禦寇汎若不繫之舟虛而遨遊者也到齊用世說青州從事語青州有齊郡從事為到齊下也注再見

次韻陳履常張公龍潭

先生以十月二十五日禱雨迎龍公祝辭云謹

請州學教授陳師道并遣男右承務郎迨既禱而獲十一月十日祝辭云玉質金相其重千鈞惠然肯來負者四人眷此行宮為留決辰惟師道迨復餞公還履常為教授屬以送

迎龍公蛻骨故詩云念子
無吏責十日勤征鞍云云

經明宣城宰家此百尺瀾鄭翁不量力敢以非意干玄
黃雜兩戰絳青表雙蟠烈氣斃強敵仁心惻饑寒精誠
禱必赴苟簡求亦難蕭條麥麴枯浩蕩日月寬念子無
吏責十日勤征鞍春蔬得雨雪少助先生槃龍不憚往
來而我獨宴安閑閣默自責神交清夜闌

唐趙耕撰張龍公廟碑公諱路斯隋末明經登第為宣
城令罷歸每夕出自戌至丑歸常體冷且濕夫人石氏
異而詢之公曰吾龍也蓼人鄭祥亦龍也據吾池吾屢
戰未勝明日取決可令九子挾弓矢射之繫鬣以青綃

者鄭也絳綃者吾也子遂射中青綃鄭怒東北去投合
肥西山以死公是夕與九子俱復為龍漢韓延壽傳守
左馮翊高陵民有兄弟訟田延壽傷之閉閤思過後漢
吳祐傳為酒泉太守民有爭訟輒閉閤自責然後斷其
訟

小飲西湖懷歐陽叔弼兄弟贈趙景貺陳履常

集本作竹間亭小酌公真跡刻于發倅聽事
作小飲西湖懷歐陽叔弼兄弟贈趙德麟陳
履常蓋是後來所書
景貺已改字德麟也

歲暮自急景我閑方緩觴歡一作飲西湖晚步轉北渚

長地坐略少長意行無澗岡久知薺麥青稍喜榆柳黃

盎盎春欲動，澌澌夜未央。水天鷗鷺靜，月霧松檜香。撫
景方晚晚，懷人重淒涼。豈無一老兵，坐念兩歐陽。我意
正麋鹿，君才亦圭璋。此會不可再，一作恐難久此歡不可忘。
宋玉九辯：白日晚，晚其將入兮。晉謝奕傳：桓溫辟奕司馬，嘗逼溫酒，溫走避之。奕遂引溫一兵，帥共飲，曰：「失一老兵，得一老兵，亦何所怪！」

蠟梅一首贈趙景貺

天工點酥作梅花，此有蠟梅禪。老家蜜蜂採花作黃蠟，
取蠟為花亦其物。天工變化誰得知，我亦兒嬉作小詩。

君不見萬松嶺上黃千葉玉藥檀心兩奇絕醉中不覺
渡千山夜聞梅香失醉眠歸來卻夢尋花去夢裏花仙
覓奇句此閒風物屬詩人我老不飲當付君君行適吳
我適越笑指西湖作衣鉢

送王竦朝散赴闕

我家衡山公

公自注伯父為衡山日與君相知有送行詩

清而畏人知臧否

不出口默識如著龜擢子拱把中云有驥騄姿胡為三
十載尚作窮苦詞丈人不妄語未效此何疑竭來清潁

上淚濕中郎詩怪我一年長而作十年衰同時幾人在
豈敢怨白髭願言指松柏永與霜雪期

白樂天上瞿中丞詩行為時領袖言作世著龜荀子驪
騮騏驎纖離騶耳古之良馬也南史何遠傳言不虛妄
每語人云卿能得我一妄語則謝一纖衆共伺之不能
得也中郎言伯父也晉書謝道韞傳云一門叔父則有
阿大
中郎

次韻致政張朝奉仍招晚飲

掃白非黃精輕身豈胡麻怪君仁而壽未覺生有涯曾
經丹化米親授棗如瓜雲蒸作霧楷火滅嘆雨已自此

養鉛鼎無窮走河車至今許玉斧猶事萼綠華

公自注君曾見

永州何仙姑得藥餌之人疑其以此壽也故有丹化米萼綠華之句皆女仙事

我本三生人疇

昔一念差前生或草聖習氣餘驚蛇儒臞謝赤松佛縛
慚丹霞時時一篇出擾擾四座譁清詩得可驚信美詞
多夸回車入官府治具隨貧家萍虀與豆粥亦可成咄

嗟

博物志天老謂黃帝曰太陽之草名黃精食之可以長生太陰之草名鉤吻食之入口即死杜子美丈人山詩掃除白髮黃精在君看他年冰雪容續齊諧記漢明帝時劉晨阮肇同入天台採藥乏食見澗中沅一杯胡麻

飯云云本草胡麻久服輕身不老神仙傳王方平與麻
姑過蔡經家經弟婦新產姑索少許米擲之墮地即成
丹砂封禪書李少君言上曰嘗見安期生食巨棗大如
瓜後漢張楷性好道術能作五里霧又樂巴為尚書正
旦大會已取酒西南喫之云成都市失火因酒為雨以
滅之詔以驛書問成都答言時有雨從東北來火乃息
雨皆酒氣仙傳拾遺劉無名有真人示以陽爐陰鼎柔
金煉化水玉之方伏汞煉鉛成汞髓之訣以鉛為君以
汞為臣八石為使黃牙為田修真秘訣陰真君金液丹
歌云北方正氣為河車陰符經注云河車伏汞也真誥
許翹小名玉斧萼綠華者南山女子顏色絕整以晉昇
平三年降羊權家韋續書訣墨數鍾跡弟子朱翼每畫
一波三折筆作一戈如百鈞弩作一點如高峯陞石作
一放縱如驚蛇入草法書苑釋亞栖善草書每自題云
飛鳥出林驚蛇入草維摩經貪著禪味是菩薩縛傳燈
錄丹霞禪師遇天大寒取水佛焚之詳見廿六卷次韻

答張天覺詩注杜子美詩語不驚人死不休皇甫湜顧
著作文集序逸歌長句往往若穿天心出月脅意外驚
人語非尋常所能及晉石崇傳為客作豆粥吐嗟而辦
每冬得韭萍蠶王愷密問其帳下云豆至難熟豫作熟
未客來但作白粥投之韭萍
蠶是搗韭根雜以麥苗耳

閻立本職貢圖

譚賓錄貞觀三年東蠻謝元琛
入朝中書侍郎顏師古奏言昔

周武王治致太平遠國歸款乃集其事為王
會篇可圖寫貽後以彰服遠之德從之乃命
尚書閻立本畫
之為職貢圖

正觀之德表

一作來

萬邦浩如滄海吞河江音容儻獐服

奇虎橫絕嶺海逾濤瀧珍禽瑰產爭牽扛名王解辯郤

蓋幢粉本遺墨開明牕我喟而作心未降魏徵封倫恨
不雙

唐太宗紀即位明年正月改元貞觀劉禹錫竹枝詞激
訐如吳聲僉穉不可分左傳閔二年晉侯使太子申生
伐皐落氏衣之虎服杜預曰虎雜色也漢終軍傳殆將
有解辨髮削左袵襲冠帶要衣裳而蒙化者焉唐畫斷
間立德叛職貢圖異方人物詭怪之狀第立本畫國王
粉本昔南北兩朝名手不是過也又云職貢圖薄國立
本與立德同製之唐魏徵傳帝嘗歎曰今大亂之後其
難治乎徵曰大亂之易治譬饑人之易食也封德彝曰
不然秦任法律漢雜霸道徵書生好虛論徒亂國家不
可聽帝納徵言不疑至是天下大治蠻夸君長襲衣冠
帶刀宿衛東薄海南踰嶺戶闔不閉行旅不齎糧取給
於道帝曰行仁義既效矣惜不令封德彝見之封德彝

倫名

次韻王滁州見寄

斯人何似似春雨歌舞農夫怨行路君看永叔與元之
坎軻一生遭口語兩翁當年鬢未絲玉堂揮翰手如飛
教得滁人解吟詠至今里巷嘲輕肥君家睽翮盡卿相
獨來坐歎谿山上笑捐浮利一雞肋多取清名幾熊掌
丈夫自重貴難售兩翁今與青山久後來太守更風流
要伴前人作詩瘦我倦承明苦求出到處遺蹤尋六一

憑君試與問琅邪許我來游莫難色

歐陽永叔與王元之俱嘗守滁州漢江都易王傳口語
藉藉楊惲傳橫被口語杜子美寄裴十詩知君苦思緣
詩瘦李白嘲杜子美詩為問因何太瘦生只為從前作
詩苦漢嚴助傳詔曰君厭承明之廬勞侍從之事懷故
土出為郡吏歐陽公醉翁亭記環滁皆山也其西南諸
峯林壑尤美望之蔚然而深秀者琅邪也公自號六一
居士

趙景貺以詩求東齋榜銘昨日聞都下寄酒來
戲和其韻分一壺作潤筆也

王孫天麒麟眸子與而澈囊空學愈富屋陋人更傑我

老書並放筆落座爭掣欲求東齋銘要飲西湖雪長餅
分未到小硯乾欲裂不似淳于髡一石要燭滅

晉王獻之傳七八歲時學書羲之密從後掣其筆不得
歎曰此兒後當有大名北史鄭譯傳復爵沛國公位上
柱國帝令李德林立作詔書高顯戲譯曰筆乾答曰出
為方岳杖策言歸不得一錢何以潤筆淳于髡事屢見

洞庭春色

并引 安定郡王名世準字君平時
以保靜軍留後為安定郡王趙德麟

舊字景貺先生著字說為字德
麟德麟字見於詩者自此篇始

安定郡王以黃甘釀酒謂之洞庭春色色香味三
絕以餉其猶子德麟德麟以飲予為作此詩醉後

信筆頗有沓拖風氣

法帖評書王子敬書如河洛少年雖自充悅而舉體沓拖

殊不可耐

二年洞庭秋香霧長嘆手今年洞庭春玉色疑非酒賢

王文字飲醉筆龍蛇走既醉念君醒遠餉為我壽餅開

香浮座盞凸光照牖方傾安仁醺莫遣公遠饒

公自注明皇食

柑凡千餘枚皆闕一瓣問進柑使者云中途嘗有道士饒之蓋羅公遠也要當立名字未用

問升斗應呼釣詩釣亦號掃愁帶君知蒲桃惡正是嫫

母黝須君灑海杯澆我談天口

潘安仁笙賦披黃苞以授甘傾縹窵以酌醺歐陽公壯
丹園詩洛人矜誇立名字李後主中酒詩莫言滋味惡
一萼掃寒愁漢西域傳大宛以蒲萄釀酒列女傳帝妃
嫫母於四妃之班居下貌甚醜而最賢史記鄒衍之術
迂大而閭辨齊
人頌曰談天衍

送路都曹

并序

乖崖公

范蜀公東齋記張詠自蜀代去留一卷實
封文字與僧正希白且云十年後開後十

年公薨於陳訃至僧發開所留文字乃公畫像自
贊曰乖則違衆崖不利物乖崖之名聊以表德因

號乖

崖 在蜀有錄曹參軍老病廢事公責之曰胡不

歸明日參軍求去且以詩留別其略曰秋光都似

宦情薄山色不如歸意濃公驚謝之曰吾過矣同僚有詩人而吾不知因畱而慰薦之予幼時聞父老言恨不問其姓名今都曹路公以小疾求致仕予誦此語畱之不可乃採前人意作詩送之并邀趙德麟陳履常同賦一篇

積雪困桃李春心誰為容淮光釀山色先作歸意濃我亦倦游者君恩繫疎慵欲畱耿介士伴我衰遲蹤吏課升斗積崎嶇等鉛春那將露電身坐待收千鍾結髮空

百戰市人看先封誰能搔白首抱關望夕烽子意亮已
成我言寧復從恨無乖崖老一洗芥蒂胸我田荆谿上
伏臘亦麤供懷哉江南路會作林下逢

漢江都易王傳宮人有過或髡鉗以鉛杵舂不中程輒
掠漢李廣傳結髮與匈奴大小七十餘戰嘗語王朔曰
自漢擊匈奴廣未嘗不在其中而諸部校尉已下材能
不及中以軍功取侯者數十人廣不為後人然終無尺
寸功以得封邑荆谿在常州
宜興縣先生嘗買田於此

次韻陳履常

汝陰久雪人饑公召僉書判官趙
德麟令時議所以賑卹之乃發義

倉穀以濟貧乏出作院炭酒務薪用元價以
售又奏放積欠教授陳履常師道有詩公和

之

可憐擾擾雪中
人饑飽終同寓
一塵老檜作花
真強項
凍鳶儲肉巧謀
身忍寒吟詠君
堪笑得暖謹呼
我未貧
坐聽屐聲知有
路擁裘來看玉
梅春

後漢董宣傳為洛陽令殺湖陽公主蒼頭主訴於帝帝
使宣謝主宣不從彊使頓之兩手據地終不肖謝帝笑
敕強項
令出

二鮮于君以詩文見寄作詩為謝

二鮮于君乃
諫議大夫子

駿之子子駿事見十四卷
和鄆州新堂月夜詩注

我懷元祐初圭璋滿清班維時南隆老奉使獨未還迂

叟向我言青齊歲方艱斯人乃德星遣出虛危間

公自注溫

公謂余曰子駿福星也京東人困甚且令往彼

召用既晚矣天命良復慳一朝

失老驥寂寞空帝閑至今清夜夢枕衾有餘潛喜聞二

三子結髮師閔顏高論邈河漢清詩鳴珮環遙知三日

雪積玉埋崧山誰念此幽桂坐蒙榛與管故人在頽尾

投詩清泠灣

南隆閩中也鮮于子駿閩中人司馬溫公自號迂叟漢天文志景星德星也地理志齊地虛危之分野莊子吾

驚怖其言若河漢而無極也左傳杜預注潁水之尾在下蔡又詳本卷新渡寺詩注莊子讓王篇北人無澤自投於清泠之淵

次韻趙德麟雪中惜梅且餉柑酒三首

千花未分出梅餘
遣雪摧殘計已疎
卧聞點滴如秋雨
知是東風為掃除

閨苑千葩映玉宸
人間只有此花新
飛靈要欲先桃李
散作千林火迫春

火迫字出唐書源休導朱泚僭號姚令言勸泚圍奉天二人爭自比蕭何休顧令言曰成秦之業無輩我者我

視蕭何子當曹參可矣即牧國籍貯
府庫效何者人皆笑謂為火迫鄼侯

蹀躞嬌黃不受鞿東風暗與色香歸偶逢白墮爭春手

遣入王孫玉笋飛

實子野酒譜河東人劉白墮善釀酒味香美使人久醉
朝士千里相饋號鵲觴亦名騎驢酒永熙中青州刺史
毛鴻賓齋酒之蓄路逢劫盜飲之即醉皆被擒時為之
語曰不畏張弓拔刀惟畏白墮春醪洛陽伽藍記亦云

和陳傳道雪中觀燈

陳傳道名師仲履常之兄
家居彭城履常在穎傳道

來訪未幾先生移守維揚而傳道亦歸遂和
趙德麟韻送之詩載卷末傳道是時仕為
庫

新年樂事歎何曾
閉閣燒香一病僧
未忍便傾澆別酒
且來同看照愁燈
潁魚躍處新亭近
湖雪消時畫舫升
祇恐樽前無此客
清詩還有士龍能

閱世堂詩贈任仲微

任仲微父任師中名伋按秦少游作任師中墓表元

豐中公知瀘州錄使者不法事而使者即誣奏公西南乞第過江安時不時掩擊乃延儒生講書疑有私謁朝廷乃下章於他部各窮竟所考未具而公卒時當途者以公既沒為使者地公之子大防三詣闕上書陳寃狀獄不敢變使者竟免大防即仲微也又按師中嘗為蔡州新息令惠給鰥寡邑人德之遂居焉堂前有檜高百尺蓋數百年矣直幹蒼然

乃以名其堂故詩云惟有
庭前檜閣世不改色云云

任公鎮西南嘗贈繞朝策當時若盡用善陣無赫赫淒
涼十年後邪正久已白卻留封德彝天意眇難測象賢
真驥種號訴甘百謫豈云報私仇禍福指絡脉高才食
舊德但恐里門窄傷心千騎歸贈印黃壤隔惟有庭前
檜閣世不改色千年與井在記此王粲宅

左傳文十二年晉人患秦之用士會也謀歸之士會行
繞朝贈之以策曰子無謂秦無人吾謀適不用也孫子
善用兵者無赫赫之功又善陣者不戰善戰者不敗封
德彝事見本卷職貢圖詩注又杜牧題魏文貞詩可憐

正觀太平後天且不留封德彝衡按封德彝指當時使者象賢四語謂大防詣闕訟寃事也漢書于公治閭門曰少高大令容駟馬高蓋車注閭門里門也杜子美一室詩應同王粲宅留井峴山前

新渡寺送任仲微

春陰欲落雪野氣方升雲我遊清潁尾想見翠被君古來聚散地與子復言分倦游安稅駕瘦田失歸耘獨宿古寺中荒雞亂鳴羣送子以曉角幽幽醒時聞

左傳昭十二年楚子狩于州來次於潁尾使蕩侯潘子司馬督躡尹午陵尹喜帥師圍徐以懼吳楚子次於乾谿以為之援雨雪王皮冠秦復陶翠被豹舄執鞭以出杜子美贊上人詩古來聚散地宿昔長荆棘史記李斯

傳物極則衰吾未知所稅駕也晉祖述傳與劉琨同
寢中夜聞荒雞鳴蹴琨覺曰此非惡聲也因起舞

送運判朱朝奉入蜀

建安本云送
朱世昌使蜀

藹藹青城雲娟娟蛾眉月隨我西北來照我光不滅我
在塵土中白雲呼我歸我游江湖上明月濕我衣岷峨
天一方雲月在我側謂是山中人相望了不隔夢尋西
南路默數長短亭似聞嘉陵江跳破吹錦一作枕屏送君
無一物清江飲君馬路穿慈竹林父老拜馬下不用驚
走藏使者我友生聽訟如家人細說為汝評若逢山中

友問我歸何日為話腰腳輕猶堪踏泉石

唐地理志蜀州青城縣以青城山名十道四蕃志嘉州峨眉山西山相對如峨眉故名韓非子六國時張敏與高惠為友每相思敏於夢中往尋之至半道迷不知路而回嘉陵江其源出於大散關嘉陵谷贊寧荀譜慈竹筍四時生其竹內實而節疎又斬黃生一叢數竿根不外迸茅亭客話慈竹聚生根不離母故名之慈也唐書陽城為道州刺史以家人法侍吏宜罰者罰之宜賞者賞之

病中夜讀朱博士詩

病眼亂燈火細書數塵沙君詩如秋露淨我空中花古語多妙寄可識不可誇巧笑在頰頰哀音餘摻撾曾坑

一掬春紫餅供千家懸知貴公子醉眼無真茶崎嶇爛石上得此一寸芽緘封勿浪出湯老客未嘉

圓覺經譬如病目見空中花及第二月後漢禰衡傳為漁陽搥搥擊鼓之法東谿試茶錄佛崩東南曰曾坑今屬北苑茶少甘而多苦色亦重濁陸羽茶經上者生爛石中者生櫟壤下者生黃土又湯經三沸為老

趙德麟餞飲湖上舟中對月

老守惜春意主人留客情官餘閑日月湖上好清明新火發茶乳溫風散粥錫酒闌紅杏闇日落大堤平清夜除燈坐孤舟擘岸撐逮君幘未墮對此月猶橫

葵邕月令自溫風暑之在風者也玉燭寶典今人寒食
日悉為大麥粥研杏仁為酪以錫沃之孫楚祭子推文
云黍飯一盤醴酪二盃是其事也宗懷荆楚歲時
記亦云晉庾敳傳頽然已醉憤墮几上以頭就穿

贈朱遜之

并序

元祐六年九月與朱遜之會議于頴或言洛人善
接花歲出新枝而菊品尤多遜之曰菊當以黃為
正餘可鄙也昔叔向聞駸蔑一言知其為人予於
遜之亦云

黃花候秋節遠自夏小正坤裳有正色鞠衣亦令名一

從人偽勝遂與天力爭易性寓非族改顏隨所令新奇
既易售粹駁宜相傾疾惡逢伯厚識真似淵明君言我
所印世論誰敢評願君為霜風一掃紫與頰

月令季秋之月菊有黃花夏小正大戴禮篇名以蟲魚
草木正十二月之節侯起於夏后氏故曰夏小正周易
坤六五黃裳元吉周禮內司服掌王后之六服褱衣揄
狄闕狄鞠衣展衣緣衣素沙鄭注鞠衣黃衣也後漢陳
蕃傳疾惡如風朱伯厚屢見陶淵明飲酒詩秋
菊有佳色裛露掇其英維摩經佛所印可屢見

和趙德麟送陳傳道

二陳既妙士兩歐惟德人王孫乃龍種世有籀雲麟五

君從我游傾寫出怪珍俗物敗人意茲得實清醇那知
有聚散佳夢失欠伸我舟下清淮沙水吹玉塵君行踏
曉月疎木挂寸銀尚寄別後詩翦刻淮南春

莊子德人者居無思行無慮漢賈誼鵬賦德人無累知
命不憂二陳言傳道履常兩歐言叔弼季默也杜子美
哀王孫詩高帝子孫盡隆準龍種自與常人殊簡雲字
出漢書天馬歌已見晉王戎傳戎與阮籍為竹林游戎
嘗後至籍曰俗物已復來敗人意戎笑曰師輩意亦復
易敗耳清淮時先生將離潁赴揚州故云幽怪錄橘中
兩叟相謂曰汝輸
我瀛洲玉塵九斛

施註蘇詩卷三十一